

文苑英華



自九百三十二
至九百四十一

碑誌

內閣文庫		
函	冊	號
10	100	3726
漢書類		

內閣文庫		
函	冊	號
361	100	3726
漢書類		

內閣文庫		
番號	漢	3726
冊數	100(94)	
函號	361	53



英華卷第九百三十二

碑名十九

五十七

官官下

內侍彭獻忠碑一首

內侍仇士良碑一首

內侍護軍中尉彭獻忠神道碑

張仲素

弘璧之在御府也

韞連城之價所以為寶景雲之見慶霄




也麗捧日之彩所以為瑞大臣之居宗列也處近君之任

所以為貴况復侍軒墀之密地護禁衛之雄軍昭彰茂功

回復介祉終始一德未垂清名者哉侯誰能之見於彭公

矣公諱獻忠字琦夫彭為商諸侯以國表姓至漢大司馬

宣有遠績盛烈書於班史至孫業避漢末之亂寓居隴西



襄武縣因地方望傳諸歷代隍中隴上推爲右族派緒綿
遠冠蓋蟬聯責任漸繁乃祔咸鎬今爲京兆三原人也烈
考諱令俊皇朝儀卽行內侍省内謁者監保安福履弘闡
義訓鍾慶濟美傳於蓋臣公善下寬中蹈方守直竹箭有
筠而可比城府無迹而自深以處肅恭懿承大君以仁孝
清儉續前烈建中三年入侍宮殿德宗皇帝嘉其敏厚器
任異等便蕃於帷扆之內承奉於指顧之間言必有章動
皆由禮貞元三年授內府局丞四年授內謁者監七年授
朝散大夫清階命服所以馭貴白珪無玷赤紱斯皇自天
之渥泗方深漸陸之羽儀始就卞一年授朝請大夫周旋
審勿猷納端亮孔光問榭而不對石慶數馬而後言以公
之今古何遠十六年特加金帛所以懋其勤而昭其美
也三十年加正議大夫內侍省內謁者監仍賜上柱國充教坊
使位愈高而接物愈敬恩益厚處躬益早故能行與福
隨動將吉會當德宗仙馭上升宗宅憂諒闇公以貞固
服勞之節宣承衛翊戴之忠嘉悃誠可書竹帛皇上御
極拱侍穆清疇其功庸疏以爵一元和元年封襄武縣開
國男食邑三百戶充飛龍使二十年加忠武將軍右武衛將
軍三年授左神策軍副使加雲麾將軍馭衆之才著于倅
一作
理賜祭戟戶耀其高門所以旌其勲表其貴也其年
奉詔充淄青道宣慰使六年遷知內侍省事充弓箭庫使
六年充惠昭太子監護使祗事旣畢加冠軍火將軍至十

月遷左領軍衛大將軍知內侍省事充左神策軍護軍中
郎將兼左街坊德使十二年春以勤瘁遘疾上章請告宸
睠屬賴令卧護陳讓懇切累至再三動于天心方始得謝
二月乙巳薨于翊善里之私第享年六十二聖皇軫悼輟
膳興歎追念勲舊賻祿加等贈開府同三司左武衛上
將軍所以錄其勞而飾其終也官司職喪僚吏襄事卜窆
窆窆圖其未安以十月十四日葬于卅年縣鳳棲原祔從
先域之松楸禮也惟公爰自弱冠暨于知命奉職三朝殫
竭一心掌繁領重樹勲宣力操濯仁義發揮心靈斯所謂
奉上之心閨門就養承順著聞及丁艱棘勺飲不進毀瘠
過禮宗族感傷斯所謂因心之孝踐歷禁省榮耀貂璫冠
議戎在帝左右飲冰持操鑒水潔身侈泰是懲燠灼自
息寘與道契儉而全貞生不務於家爲歿仍規其薄塋斯
所謂立志之本探賸精微講貫學藝周勃引強之能有而
不恃孫武用竒之術知而罕論斯所謂遊藝之方綜事呈
才仰奉睿旨允釐樂府韶夏是司演嶰谷之正聲絕齊等
之濫吹解署增煥絲桐載和去而借留上叶宸聽旣臨馬
政一日必修用奚官訓一作馴騶之法整穆王八駿馬早及
董武庫程範庶工弦木砥金罔不犀利斯所謂蒞官之敬
嘗馳星貂撫慰充海鄆岱之域風宣露濡戎臣列校蹈舞
感抃斯所謂御命之功萬旅雲屯屹爲親衛加拜中尉統
茲六年夜護繚垣曉趨卅陞陰助神武制外自中獎善任

材動必詢衆廣修廩庾贍食熊羆符伍有倫禮樂是闕威
使夫既勇且毅並務於移孝爲忠至於別部支兵邊陲縣
內拊循訓整不犯秋毫聞公之歿如喪親戚斯所謂護軍
之畧宜其享之遐福錫以未年蒼蒼難諶不至者壽夫人
長樂郡君馮氏端懿柔明慈和婉孌一作態母儀婦德淑慎
是彰自晝哭之罹凶乃明心而習靜落髮壞服從哀節空
元和十二年三月十五日出家受戒特勅正度仍錫法名
正智賜居義陽寺所以遂弘誓而資幽福也嗣子希倩次
子給事卽行內侍省奚官局丞員外置同正員希昭次子
正議大夫行內侍省員外置同正員上柱國賜紫金魚袋
希貞次子正議大夫行內侍省內侍員外置同正員上柱國
賜紫金魚袋希晟次子希冕次子希慶芝蘭蒲庭組綬相
映荼蓼如戚纒麻儼然哭泣之哀慕深先遠蒸夷之紀思
烈奮動樂樂貴臣匍匐上請詞臣奉詔傳信揚芳焯叙德
善水垂琬琰銘曰帝在法宮下臨八荒外倚輔弼內憑忠
良奕奕彭公蘊義合章左右軒陛言端行方夙夜孔勤貌
辨是職丹青侍從黃道引翼深承寵渥克茂勲力寒玉侔
清朱絲表直厚德多恕明誠不回決雲利器構厦長材北
落謝疾東榮報哀恩加法賻官贈儀台祖載之辰清川曉
涉淒鏘茄挽搖曳旌葵新阡舊城龜從筮協原卽鳳棲封
如馬鬣紹績之馨子貴家榮繼孝嗣恪宣功保名纂篆金
石琢磨堅貞用播徽烈將來作程

內侍省監楚國公仇士良神道碑

鄭薰

運巨壑者必資帆楫之便以鼓其波濤築廣廈者必堅柱石之材以完其結構一作棟字是故明王聖帝立國保家莫不求竭忠宣力之臣配帆楫柱石之用懋崇基業弘濟艱難百代通規千載相遇孰稱全德其故開府儀同三司內侍監致仕楚國仇公平公諱士良字匡美海豐興寧人也宋大夫牧以忠烈正直書於春秋公實其裔焉其後香以文雅仕於東漢儒以議論貴乎北燕蟬聯珪冕暉映簡冊代著奇節率多令人史編家譜一二詳焉顯公之曾考皇朝正議大夫內給事賜緋魚袋諱上客府君忠昭事任績茂聲猷躬行正途克嗣先業烈祖皇朝議大夫內常侍賜紫金魚袋諱奉詮府君名以才彰功由道著王氏教讓義之已行于公高門定國方大皇考諱文晟府君精持貞秉高挹塵俗位以命屈慶因善餘厥惟楚公克振勲德追贈特進左監門衛將軍賜紫金魚袋申公之誠孝也公年未弱冠入仕東朝是時憲宗皇帝主器承華體元儲兩親奉再飯共歡九齡勅登少海之瀾更闡前星之耀未貞十年授掖庭局宮教博士賜緋魚袋元和初以舊恩本固新渥彌隆既頒侍從之勤首舉罷迂之命加宣徽供奉官賜紫金魚袋檢身極敬奉輦施勞勸自牧於撝謙表無私於應對閏六月轉朝散大夫內侍省內給事宣徽供奉官如故材力彰於省局周旋美於禁闈驟議甄升更加命秩冬十月

拜內侍常餘如故未周是紀三歷顯途既洽謳謠且明恩澤彼虞卿再見為趨上卿荀爽片旬登漢三事允膺時議彼或多慙三年以本官充內外五坊使尋或_後遷宣徽供

奉官發彼五犯輔驪虞之仁化殪此大兇誅吉日於春蒐

外撫_{一作}之暴橫自稍中綬_{一作}之井閭知惑十年加大

中大夫內侍省內常侍尋以本官充平盧軍監軍使全齊

舊壤繼代邀恩甲兵甚充貢賦不入公聞其叛換諭以忠

貞爰革非心幾至效順明年詔徵又以內侍依前宣徽供

奉官吳寇據淮天兵在野逗遛不進沮敗為憂揀求使臣

往諭中旨遂命公以本官及職充淮西行營宣慰使至則

天布皇澤益勵軍威四遠瞻風萬夫振氣而又盡得機要

_澤奏聞竟至成功斯為顯效十五年遷雲麾將軍在監

門衛將軍充內外五坊使仍賜上柱國又進封南安縣開

國男食邑三百戶驅獸而無害五穀充庖而有事三田蕙

圃蘭塘落飛駐走助開二面之網勤施一目之羅鄙長揚

之大誇胡人笑上林之務矜楚使條令既肅巡遊盡歡其

冬復加冠軍大將軍長慶初罷五坊使以本縣進封開國

子尋進侯爵食邑一千戶宣徽供奉官皆如故二年除鳳

翔監軍使又進封開國公食邑一千五百戶置父雋疆繆

公遺政郡邑則武安留_守武風則焉謨擅名雜於版屋之

郊號為難治之俗公攬_郡下專撫戎三軍畏威百姓

懷惠寶曆二年徵_此宣徽供奉官以本爵進封郡

公食邑二千戶尋除鄂岳監軍使傍連荆楚南接湖湘閩
閩皆土著之安貨具有山積之富兵不堅利人皆隋游公
深贊訓齊同爲勗勉知方有勇自我而能鼓疑大和元年
入爲宣徽供奉官轉內侍典內侍省秩清事簡優逸自娛
莫展長才鬱于群論俄拜右神策軍副使公於是端肅以
貳戎政廉讓以播軍聲屏衛益嚴暴悍知禁二年擢爲右
領軍衛將軍內外五坊使講事一時農不易隴選徒百隊
人不告勞鮮扁而布青林行事而無遺一無此馮獲古
法鬼彌新規指顧之間莫非盡善六年真拜內侍知省事
餘如故明年轉大盈庫領染坊依前知省事恩澤浹於衆
瀛龍賜周於藩服綺羅萬段錦綉千筐每極珍華曾無溢
惡又玄黃朱紫染彩文章靡不精鮮悉中程度以賞能賦
于飛龍使本官並仍舊御閑二六天驥三千異骨峯生深
溝洫溢親習盡馳驅之妙群分多馭駿之奇芻秣尤精藁
粘常羨九年五月拜左神策軍中尉兼左街功德使將軍
知省事如故練達戎機恊親護禁典理瓜牙之衛左右心
膂之師寬不喪威簡不曠務氣勵熊羆之勇手持虎豹之
韜恩由忠深士以誠感張孺駮乘孝宣乃安趙喜宿衛顯
宗加厚轉左驍衛將軍餘如故旣而鄭注挺妖李訓附會
列奏僞瑞固邀鑾輿圖害腹心漸逞姦毒公先機立斷禁
旅遽齊坐遏克渠保護帝輦指名魁首俄頃追擒其餘躁
競進取之徒枝連葉著之黨或志諧徑計罔自正身或跡

比頑童居然就禍莫不盡苞恢網同抵國章由是宗杜又
寧中外協睦非夫忠謀天假廣業神通其孰能如此乎及
於廟堂議功公在第一優詔特進本衛上將軍中尉知省
事如故位輕於德賞不配勲難許冲謙終昇峻級尋遷驃
騎大將軍開成五年加開府儀同三司左衛上將軍封楚
國公食邑三千戶食實封三千戶頒恩常例非私受也會
昌元年又加食實封二百戶尋擢爲觀軍容使兼統左右
三軍獎舊常議昭異渥也公每念禍伏福中祿爲身累將
持盈滿莫過退休三年夏以寒暑內侵針鑿罕效因求散
秩用遂素懷乃除內侍監將軍知省事如故尋又連表陳
讓固辭恩榮優詔以女官致仕其年六月二十三日薨于
廣化里之私第享年六十有三嗚呼身隨運往名寄勲留
一代推雄九原表傑天子悼之罷朝兩日贈揚州大都督
公弱冠以辨智取位強仕以幹蠱居官及蒞大政以機畧
致勲勞臻于貴壽以恬退保終始事在簡冊爵極天人出
入七朝顯揚三紀秩以功藝進道由忠直彰擊鞠廣場則
馳先百馬彎弧廻野則飛落雙雕故得侍娛遊則三領五
坊承顧問則八加供奉元和中盧從史倚上黨兵勁陰結
叛臣憲宗皇帝命護軍中尉吐突公統戎專征密勿神筭
誘至幕下縛送闕庭是時公適在軍助成丕績其或揚鑣
宣命電掃雷驚每播深恩親當橫陣兩河平殄頗預其功
雖一作自矜實傳衆口而多才多藝強記博聞舉策盡非是

若應神明閱簿書無逃心目而又精鑒冠絕當時門館賓僚薦延功行必求明德用輔聖朝則有秉忠正之心荷匡贊之任才表王佐出爲國禎康濟群生輝華四海者矣然後知衛將軍七擊匈奴封侯九國崔驃騎六征絕塞列將八人特美高勲豈膺賢弼以今方古我德爲優以四年正一作六月二十三日歸塋于萬年縣寧安鄉鳳樓原社季村夫人安定胡氏祔焉禮也夫人故開府儀同三司檢校太子賓客兼御史大夫贈戶部尚書承恩之女性得天才儀標冠族叶組紉之懿範彰圖史之貞規法度所以正家桑閑所以遵道洎祥開鳳兆德協鵲巢芳徽溢於閨闈則洽於姻族以公勲位俊重累封至魯國夫人壬戌歲先公而歿有男五人長宣徽使銀青光祿大夫行內侍省內給事賜紫金魚袋曰從廣次光祿大夫檢校散騎常侍持節曹州諸軍事守曹州刺史兼御史中丞上柱國南安縣開國公食邑一千五百戶曰亢宗次閣門使朝散大夫行內侍省內府局丞賜緋魚袋曰從源次邠寧監軍使中散大夫行內侍省內侍局丞賜緋魚袋曰從渭幼曰從湜皆稟訓過庭早通詩禮承恩入仕共効忠勤爲明庭之羽翰作私室之符瑞不忘素業自致青雲宜乎懿德有後信不誣矣大中紀號五年克平四裔東南欵化平北開疆三耀舒光八紘無事皇帝念功軫慮錄舊申恩惟楚公未真時祖宮有翼載之勞元和時宣徽有委遇之渥今則已悲封樹未

刻松銘乃命舉其殊庸勒在貞石用傳不朽昭示將來特
詔詞臣俾其選述臣薰恐惶直叙不敢虛美謹爲銘曰
仇氏之先本宋大夫就義輕死昭于冊書厥後聞人漢香
燕孺乃生楚公前修不渝其焯焯楚公俊义邁德克抱才
器必循典則天資忠孝神助正直高揭勲名幾摧姦匿其
從史負力潛通鎮郊上將授詔縛歸天朝楚公佐成衆不
敢搖東國大定塵氣自消其蔡寇不庭誅行原野群校傷
敗師無進者楚公銜命汗血波馮貔鼓氣城壘連下其
注訓勃戾妖凌北宮和鑾在御狂侵來衝楚公奮臂甲士
趨風克殲巨孽乃建殊庸其五坊三居公畋有節宣徽八
入密議攸竭再監戎閫將校感悅一牧郊垆驕虜絕其
帝帝室手提禁師士伍胥附皇心勿疑持滿先誠居其
不危懸車告謝彭薛肩隨其駭起截颺哀纏逝水空留洪
烈永載青史精爽何之壯猷已矣京兆開阡壽堂在比其
仕承泰運歿偶昌期徽音不泯令嗣銜悲聖念旣勤爰斷
豐碑事功難究有靦色絲其九川常不移松楸已列玄室雖
閉清風靡歇作皇代之英臣期終吉兮無絕其十

文苑英華卷第九百三十三

婦人上

碑九十神道五十一

高安長公主碑一首

涼國長公主碑一首

章懷太子良娣張氏碑一首

鄔國長公主碑一首

昭容上官氏碑一首

延州豆盧使君萬泉縣主薛氏碑一首

高安長公主神道碑

蘇頌

維開元二年龍集攝提格夏五月哉生明高安長公主薨於長安永平里第享年六十有六嗚呼哀哉景申上發哀于暉政門設次舉聲掇朝加等遣大鴻臚彭城侯劉和持節齋書赴弔京兆尹攝太鴻臚鄧國公張暉司農少卿

李琇有司帥屬護喪文武五品已上會哭書不云敦族至
于九以昭于百姓禮不云叙親居其一以統於萬人此所
以追有虞而化天下感配陳而慟宸極復以爲素祈諱行
彤管區風司常罕留執史多紊乃制銀青光祿大夫行紫
微侍郎兼知制誥上柱國許國公蘇頲爲銘刻石臣頲不
敏颺言拜命云長公主諱某字某隴西狄道人高祖神堯
皇帝之曾孫太宗文武聖皇帝之孫高宗天皇大帝之第
二女中宗孝和皇帝之姑疑作妹也太上皇之妹開元神武
皇帝之姑也昔軒后修德高陽任而豫之虞姬邁德伯陽
冲而用之故先王會昌而一土者與前聖受命而聖人作自
風偃三代刑清百年揚耿光於祖宗紹期運於神武上
此崇於黃軒至其道次以宗極於玄老施其教慶漸綿
恩周行葦重熙而累盛皇哉而唐哉公主承娉月之華分
女皇之耀閑和美度婉婉令德有循其禮無擇於言鑿圖
取則聞詩服義故可以賦絲綉而開湯沐者也於是曳紅
綬賜青圭香蒲玉鱸綵搖金縷允所謂帝乙歸妹以祉元
吉魯侯主婚是稱同姓始封宣城公主下嫁平王氏駙馬
都尉故潁州刺史贈右監門將軍太原王府君諱勗字遂
古右監門將軍平舒公之孫歙州司馬之子自周儲洛濱
之契秦將頻陽之業門昌帝疑天姻徵平叔之才貌
得孟孫之閭閱亦既觀止展也疑其肅雍率由俊彩
至盥漱御縱笄總衣紳篋管刃疑縹緗縹縗若此者敬而

持之動必於是則其餘可重也天授聖后從權革命駢
馬非罪嬰酷公主復歸于後應元九事甲子口不入辛味
耳不聆曼音體逾尚柔言難離怨運觀心之智察摩頂之
神豈寂以幽通將虛而信愛者著蔭現前者數四居每奇
之中宗禹物不改漢儀初復乃命宗正卿李珍冊拜宣城
長公主食實封一千戶并置府僚比侯王之封齊令丞之
秩太皇御極又增五百戶改封於高安且重永康之冊允
符長廣之拜今上握圖又通前加至二千戶尚於德先於
親也公主頃歲奉嘗觀高宗書像雖光靈在天而見似目
瞿感咽于地遂成心疾至使名醫萃止御藥相望孝焉而
終仁則何輔嗚呼哀哉富貴乃驕奢之資不期而至吉凶
乃盛衰之象不召而成况泰忘約吝生動寵怙權刑醜正
知得而不知喪知存而不知亡嘗歷觀之熟矣由是黃金
象牙明珠翠羽之飾積於外雕文刻鏤衣紈履絲之巧充
於內然後堅車良馬漿酒藿肉吹笙竽學歌舞於其間者
殊不知以相強而結禍因自恣而招危魯元所以好過度
竇太所以縱踰禮鄂邑所以懟抵罪湖陽所以匿犯法館
陶所以求不獲昭平所以免河上二字疑埒開却阜胤子孰
聞田在漢京權臣所奪吁可長嘆息者矣我長公主則不
然避榮守靜退藏於密端操正色進寡其亂為皇女焉為
皇妹焉為皇姑焉非不貴也能戒盈忌滿智崇礼卑儉德
之恭讓德之益主無攸遂不專也勤無告勞不匱也宜於

秋續以助宗人率彼春蠶以從王后則未嘗忽諸猶深悟
色空大依禪惠觀我生之進退究人事之終始蓋泡夢之
為喻也乃散以擅那离於染着景雲歲請罷賦邑蠲屬官
遂沉寘從省曠書上而制為之嗚呼身役意餘道之微者
古有女儀嬪則焉或孟母之勸學敬姜之知禮仲妻之辟
相惠婦之光夫然出於素族書之緹史未有居高益下託
体至尊如長主之儔矣故能九師讓能三子聞教自我之
出與時偕行知微知彰不諂不黷長曰晞銀青光祿大夫
八僕少卿仲曰暉朝請大夫衛尉少卿季曰暕尚舍奉御
並欲報岡極柰貌棘心哀以送之龜從筮吉粵其年八月
朔十七日墓于咸陽之北原禮也落月過半秋陽浸微清
節凝兮朔風斷丹旒列兮秋雲飛望槐里而西馳去荻園
而北顧視牽牛兮像設過飲龍兮徑度闔窳窳遠羸女
之樓臺松栢陰烟近漢皇之陵墓其詞曰

赫赫上帝臨于巨唐卜年萬倍誕睿興王何彼穠矣休其
有元亦既從夫車服不繫亦云主婦蘋蘩以祭在貴能約
終溫且惠樂只君子曾不末年未亡之人歸於九天心以
理遺身以義全光于累聖受于明命伯姊延暉皇姑襲慶
監以損益辭其滿盛我有空言宗于釋門不生不滅茲道
存存允之降靈西反其魂詠清淺兮天之際憶瀟湘兮日
已逝登寒山兮見超忽生秋草兮坐蕪沒金為字兮琬為
碑求貞芳兮實在斯

涼國長公主神道碑

前人

乾坤既分彖象攸配變則成女終於歸妹惟長公主諱某
字某我興家邦天錫宗社昌運及五聖真享鴻名聖期至
六神武膺駭命細緼構極倬彼雲漢的瀝垂春華如桃李
順顏承志約禮知節得繭館從蠶之儀採公宮習史之藝
載疇湯沐爰賦井田其創也與多於仙源其徒也彌長於
涼國故丞相虞公太源温彦博曾孫曦台揆門闕風流儒
雅僉諧是圖歷選伊尚君子至止碩人其頑協時之吉備
典之實雜珮明璫聚衣錦裳熒熒煌煌未詳有芳居迴暎以
虹倚動群超而翠翔媛成肅雍候守祿位責則能降降而
不驕勞而在勤勤則不匱未嘗有也皇嘉之而謂曰台知
以樂變乎風揮五絃之盡美觀萬物之從令欲同聽乃親

故持

一作持

傳汝公主清揚神潔妙指心閑猶白雪之詞真

通則應類青谿之曲多領悟皆賞初榮賜以得後誠盈而

散恩過魯元王豈上邑寵逾竇太常疑豈臨山每絕館陶

之祈自無昭平之贖粹温而敏靜好而詳以北渚之愁苦

何西方之聖如是大脩圓果深入至空竟而瑤草淪霜桂

枝辭月開元十二載八月辛巳遇疾薨於京邸永嘉里第

享年三十八嗚呼哀哉上徹懸久悼臨次增涕京尹護喪

群司藏事其年仲冬壬午陪塋于橋陵生資敬愛歿效充

奉蕭史樓中鳳音何望軒轅臺下龍得仍攀子西華等扶

杖而立茹荼以泣赴賓憫默觀者慘容翰林酸嘶又昭乎

遺風雖著繡簡垂厥後代諒憑刊刻豐碑詔立睿祀親紆
捧戴則奔馳四靈光華則迴薄七耀明山可轉况連於鏡
盜玄團惟積重錯於琅玕俾銅鑊之湮沉由寶書而飛動
禮臣不佞敢作銘曰

天其有章銀漢玉潢我則有祥霄明燭光柔祗不忒芳閣
允塞何彼穠矣其儀是則鳳凰于飛公子同歸琴瑟在御
德音莫遠何沉寥之素秋兮獨杳杳之玄夜何闇忽之誰
忍兮痛明靈之不借清霜晶月楚挽將發流吹結雲秦聲
不聞惟聖皇兮固金石噫長主兮森松栢祭以悼之兮長
不斃

章懷太子良娣張氏神道碑

前人

續蘭有香惟玉有璋可言其夢可勞

一作

其弄汝稟離成

女祥歸太子之家有震爲男業盛天人之邇因以貴者德
其全與我唐章懷太子有良娣曰南陽張氏之子也邠王
守禮之母也初章懷封於雍良娣選以入後章懷謫于邑
良娣隨而適邠王錫玄社建黃扉良娣坐華茵驅香轂雖
逶迤失於偕老而契闊存乎與成始十四奉吾夫逮笄年
而轉茂終六十四違吾子當卦數而同極非婉婉淑貞之
則含章尚柔之令執臻於此矣若乃畫堂清兮羅幕薰匱
照曜兮結氛氲杲杲之日並英之雲蓋良娣之才之美是
效是則潔素罔捐於篋帙彤彤蓋照於管嫿顏不兢微範自
持處獨藹如顧儔芬若施于積善親從梁駟馬之藩貽厥

累仁傳相漢七貂之緒隨主儀同拜象府別將嚴之魯孫
侍御史睦州刺史詳一作之孫朝議郎行貴州都督府始
安縣令明之女也曾構鬱起昌瀾遠激去迂南國候西鄂
之豐碑來應東朝署西京之戚里不然何謂螯爾女士從
以孫子疑袂之良乎及母儀可宗臣執伊勵師以儉約戒
於盈蕩洛濱無被除之事涇上無粲羨之物衣錦裝裳寧
吾所好擊鍾鼎食唯爾之競俾吾王忠肅恭懿旣明且哲
志於道者本於教也粵景龍二載孟夏之月遣疾棄養於
京延康第之寢泊景雲光華春雨自葉睦於我則先受九
族慈於王則每深十起末其錫類衆悅以人礼物朝遣使
臣廷命金紫光祿大夫行鴻臚卿補承恩銀青光祿大夫
尚書左丞元暉持節冊贈曰章懷皇太子良娣祔于陵邑
禮也嗚呼山疑鶴駕地即烏號太子賓帝之餘高宗在天
之所衣冠道德密近屬於陪乘光表闕塋殊遠嫌於好內
又典地司空邠王守札幼承法度長披暉光九仞之堂咸
疑曾氏而逾蹙萬家之域小韓王之不綱所以傍彫翠琰
代奏冊墀天子孝理之風已周於品物孝思之德况及於
兄弟乃勅禮部尚書蘇頌採詢為言由是稽舊聞討前訓
位不之易祿不之重而莫顯者鄭勝疑之足称也信不負
之心義不虛事而竟死者越嬪之可徵也或彰君之隱過
或徇已之微直曷如有始有卒知柔知剛艱虞則持操服
勤富貴則竭誠循禮夫詮疑之行者尚紀圖書懼疑三從者

豈遺刊刻其銘曰

天祚有唐於昭烈光兮土分五色作我藩國兮雷震百里
惟皇元子元子伊何匪淑不娣厥娣伊何終溫且惠挂宮
甲觀之聲迹竹苑平臺之往昔車已折兮我未召疑長其
新兮子為王子既王兮我為太殷聖造兮沐嘉會歲不與
兮時迅奔華穰壤兮託寢園闔闔崇於上京松栢被於長
原千哀哀兮篆碑於是親求未兮歿代如存

鄔國長公主神道碑

張說

臣聞堯有娥英承九族之敦叙舜有霄燭動百里之光耀
大聖之後天必縱之積善之家神所慶矣豈惟上帝之女

雲漢為靈平王之孫蕭雍其德遠華前志代有其人皇唐
國長公主者睿宗之第七女也母曰崔貴國集作妃惜繁

聖而成門合濟美而為室蘊乾坤之純粹演日月之清明
神媛誕靈常言所絕免懷之歲天尊聖善不食三日哀地

成人文母流胎教之慈曾子得生知之孝由是宮闈延矚
邦國遠聞及乎王筭耀首油駢疑在馭錫之美地邑以

荆山末之令族嬪于薛氏爾其居玩圖史動循集作法度
服其澆濯恭儉之教興鼓其琴瑟集作讓之風被其行

已也安親惠下之謂仁敬宗好合之謂義降貴接卑之謂
禮恕情周物之謂智推心而行罔不該備其礼豕也觀膳

饗鍊之均和主饋醴醢之品齊絲竹七音之徽靡纂組九
華之樽麗經目所涉罔不精研集作莫不精詣每至三元上賀三

口中參進對詳華折旋舒婉故以式瞻貴里儀範通門如

千花之泛惠風百卉之涵膏露窈窕之儀克冬繁衍之福

大來有男子四女子五瑤碧生階芝蘭滿室也習禮明詩

日漸閨庭集作庭之訓銀章艾綬地連恩澤之候自先朝徹

宸之辰迄公主成笄之日外除過制內疾集作疾餘哀手駕

金字梵經三部躬綉綵線佛象二鋪貝葉真偈現心相於

銀鈎蓮花妙容呈意生於玉指孝思惟則道遠乎哉開元

繼明恩由已進封卽國長公主食邑一千二百戶田賦廣

而弥儉札秩尊而益恭其後君子晨歌夫人晝哀集作未

亡為稱生意盡矣撫視遺孤將守栢舟之誓志祈剝落未

從禁苑之遊朝制斷恩改降鄭氏陵谷可易集作隨和之

宗汾陰之室志亡芟陽之黨相慶既而善福虛應寢疾弥

留盡國之伎遠方畢至供御府之樂中使相望命之必至

不可支也堂邑山林忽焉瘁色平陽歌舞適足愁人開元

十三年二月庚午薨于河南縣之修業里春秋三十有七

震悼紫庭哀傷朱印傾家若墜舉國同悲有詔光祿卿孟

溫禮監護喪塋京兆尹能延休副焉窀穸之禮一如京國

長公主故事夏四月恩旨陪塋于橋陵不柩不從古之道

也皇上念同氣之致羨感閔川之永謝恨棣華之半缺悲

瑤草之先化乃命國史昭銘懿迹降恩札於雲露駕哀詞

於金石永非湘渚還起帝子之詞山是洛陽即封天妹之

塚銘曰帝系白雲仙源紫氣漲家成國承天作貴赫赫聖
祖曰文曰武皇皇曆宗一麥萬邦挺生淑媛慈和孝恭清
臚如神娥眉無雙邸第立官湯沐建封年集作及笄總札
施環珮鳴鳳獻祥乘龍擇對帝唐降女天乙歸妹珠玉過
庭蘋蘩正內蛟門早聞龍湖忽上無地何載無天何仰金
殿書經華絲綉像欲報之德昊天罔極孰是言歸良人未
遣銀鑪烟斷羅幕霜飛懇願毀形託身壞衣不諒人只改
嬪他士稟命曰從從夫集作曰順息媯繩楚懷羸霜晉反
經合權與道同韻煥休二室均歡等潤四海謚清九族和
平萬物向榮衆鄒未成心戀盛明形隨落英祖載昇城歸
窆集作咸京挽歌敬聲國簿凶行哀哀聖情惻惻同生橋
前集作石手秋令第大聖

昭容上官氏碑銘 前人齊公叙不錄

天降時雨山川出雲乃生靈媛祚我聖君精微其道煥炳
其文三光錯行昭容綱紀百揆繁會昭容條理外圖邦正
內諭天子憂在進賢思皇集作多士忠孝必集作感天焉
報之吉凶有數丘焉禱之如彼九日昇焉報之如彼三良
秦焉悼之漢宮選材班氏其特楚史書霸樊妹之力或穆
齊公叙明其德嗟爾彤管是鑒是則

廷州豆盧使君萬泉縣主薛氏神道碑 前人

或稱達性命者齊生死之域遠憂怖者一脩短之數斯蓋
無心之倫耳焉足與議於精靈何則雲虹滅彩集作辭人

於是誅謠華秀從風君子集作歎息豈不以對仙麗之景
懷變化而遺恋在昭茶集作之節悼零落而徧憤吾見豆
盧氏之子於其伉儷有集作縣主諱字姓薛氏河東汾陰人
大父駙馬都尉奉宸將軍諱集作尚城陽公主考駙馬
都尉散騎常侍諱紹尚鎮國太平公主其在昔也夏有車
正先封周有薛侯事長其在今也五宗姻於帝室集作重
葉母於王姬河水經天上積星辰之氣霍山鎮地下多珠
玉之林縣主幼而敏惠長而洵淑貞孝義烈之傳吉凶賓
祭之儀一聞成誦紘縱糾組之制清毛醞羞之品一見懸
鮮至乃鶴迴清泛蠶聚崩雲月韻集作砧花穠綵樹婦
人能事成臻妙焉大聖天后鍊石補天有玉母之神器分

集作列地啓弄孫之羊次邑封田集作有禮義引而親天授三

年四月內封萬泉縣主天愛下流日新集作上簡乘龍之

舉和鳳為難絡八絃以選門奄下官而求俊夫以龍圖帝

寶析步搖之華源虎戟侯門襲燕京集作之雄胄人之信

美帝用嘉焉以萬歲登封元年仲春既望歸於豆盧氏六

宮送行百寮供事迺以鑾輅遺以翟車環珮冕旒珍然在

馭黼藻朱黛爛其盈門詔昏之禮於斯為盛爾乃移其愛

敬以事舅姑伸其友恭以諧公妹舉宗洽比如鼓琴瑟每

至婚姻會同少長咸集珩璜節步金翠耀首有婉孌之心

無驕矜之色晞矜昧者若遲日之泛漣漪瞻詞氣者猶光

風之轉蘅薄集作加以引納懷和饋分周賑踈屬自附窮

歸忘寤故蘭行彰信於閨門而蕙風滿盈於邦國諒惟琬
琰之性自美抑亦劬勞之訓致焉中宗孝和皇帝雲迴南
土龍見東京二儀更闢九族還叙均望我兄兮公主贊陶鈞
之力曰吾甥也縣主開并邑之賦神龍元年春加實封三
百戶縣主既通濟門闡奉御又尚司殿省天子巡遊宮觀
觴樂池臺我有周親無時不從主家外幸比齊后而聯恩
子壻中叅與趙王而均禮或醉飽踰度寒燠未平何嘗不
御藥在門玉人接路當時厚澤莫之尚也景龍四年二月
以奉御出為丹延二州刺史保傳下堂隨朱輪集作而同
去輜駟入郡與阜蓋而齊飛辭宮闕兮集作歲闌戀庭闈

集作日遠肥泉永歎和氣攻襄楚祝招而不來秦醫來
不及景雲元年八月二十一日傾逝於延州之解舍春秋

二十有四美玉視顏明珠晦色平陽舊年遂無望于歸寧
懷縣新文空流漣于來逝有子三人西華南容東里等或
亂或岐呱呱而泣天何以罰神其忍之冬十有二月五日
歸塋於長安之洪瀆原窀穸營護有命加等器服祖遣率
由舊章生之也禁塋之也禮若夫柔加好治善之元也肅
雍降貴謙之道也山河其德容潤廣也能罷其祥祚胤大
也惣衆美於修嫫落集作驕暉於小年此所以哀中之又
哀也昔袁亡馬氏蔡筆斯奮鄭喪曹姬潘文亦作矧茲內
範事華無愧砥望夫之石以表靈丘緝幼婦之辭將傳終
古銘曰

薛之皇祖胄軒國禹相陰侯周氏其土宇英英白雲鬱彼

河汾公門蕃衍銘鼎氛氲則仁則義則威則勳餘慶介祉

誕靈女士中宗之甥鎮國之子皎若集作如霜雪華如桃李

舜族爰叙堯封咸秩萬泉開賦三百其室集作守盛以儉

居滿集作冲不溢亦既鳴鴈宜爾家人謙恭下下撫納親親

傾財致客對饁如賓我有邨第前臨黃道我有池塘却望

青草漢輦停暮秦薰拂早歲月易忘歡娛難保良人出守

將命比狙與子偕往飲別東都望母腸絕辭家淚枯露萎

莖草霜酸衆雛魂兮何歸京師集作兆之野莖於何處杜陵

之下巖巖雙闕列列行櫛勒是徽旨永集作以觀來者

文苑英華卷第九百三十三

碑九十一

婦人下

鄭國夫人碑一首 穎川郡太夫人陳氏碑一首

汾陽王妻霍國夫人王氏碑一首

谷夫人碑一首

鄭國夫人神道碑 張說

鄭國夫人者弘農楊氏之女也開元神武皇帝惠妃之母

也曾祖諱謀以禮樂習文為越州司馬祖衍以折衝學武

為游擊將軍父宏以門才入仕為雍縣丞而早卒初則天

之代夫人言歸武氏曰恒安郡王生惠妃及家令忠僕疑

大子僕信開元十年三月終於通化里其四月卜宅于少

陵原哀子銜血號旻仰訴怨報德之不待託思齊以集作於

永慕皇帝挹鑾殿之內憂悵鶴池之外慘揚淑聲而金石

刻揭高行而天地感國史司文命為鄭志若清明下濟岳

瀆上升祥惠德門慶育邦媛神授孝德集作理之性天啓聰

達之心加以潤澤詩書游玩圖傳伯宗好直預誠集作識將

亡重耳羈遊先稱必霸豈知漢廷章奏假借仲長之才周

官禮儀資稟宣父集作文是之學昌言嘉論有如此者螭首鱗

領修眉橫波既工頓嘆易為容止肅恭而不跼舒和而不

倨商周革命遇屯有怡懌之顏桑葢傲如在貴無驕矜之

色端容一貌有如此者紘紕祭服闕翟朝衣纂組八神剪

綉驚國雕葫之飯露葵之羹五齊六清三鸞七醢成一見

謂和也或不習而知和女工中饋有如此者惠妃載誕皇

子在者四人驪泉多龍丹穴多鳳克岐克嶷預見元凱之

才實覃實許早聞宵燭之艷亦闕陰德之潛襲胎教之睿

傳乎又名子以義成家以禮忠者以令德為忠信者以不

欺為信傳云夫食存信信而有徵經云移孝為忠孝則不

匱周宗咸服集作復是紀季獨存至德深旨有如此者辟司徒

之妻邑其合禮南城侯之婦封其舊功况夫人集無字慎徽

四德四德咸舉經綸二儀二儀克從匿武叔繼趙之勲產

姚承配夏之慶吹凱風於淑掖外王母於梧宮盛德大業

翳光極寵集作祭啓國西鄭不亦宜乎十數年間二子榮立

壽至四時令節六參嘉會魚軒照門龜艾一作艾交室為壽

則珠貝山積侑幣則錦綺霞舒集作白玉滿堂聚姻親而

同有黃金作穴散憐里而無餘君子欽其市集作義聖人

嘉其實儉故寢疾則飲食天厨湯藥御府匪日伊夕上官

駱驛於閨庭送終則威儀傾都車騎暄日自宮徂野中使

相望於道路哀榮之盛書記罕聞猗歟所謂小君之遺美

聖善之高烈者也如使後代考商史議西陵披簡牘而嘆

息臨山原而茫昧旌賁之道不期闕而然則外甥之碑武

檐之石非明淑之壘其何所設焉辭成進御帝稱曰善顧

謂尚札我其書之於是西翰黃縑縷字青琬雲橫波蹙神

變艷爛於山門鶴倚鸞翔生氣宛延於松路禮尊事絕思

集述遠斯文玄德動天幽誠迴日之奇致也誰昔見毛未

名言莫逮銘曰代有母德厥氏楊兮祖考為士夫為王

兮聖后中葉惣萬方兮天命未改復歸唐兮賢淑啓枋繼

絕亡兮宗周雖滅神女昌兮建號西鄭榮舊鄉兮魚軒翟

弗盛寵光兮二子雙飛華綬章兮朱輪魚尾煒煌兮集作

魚輪旌端去此昭昭即茫茫兮何處詔葬少陵阜兮貴妃

慈親侯王舅兮寒暑流易山川久兮古墳坡陀老樹朽兮

壽宮靈百代守兮頌石光華千載後兮

穎川郡太夫人陳氏神道碑 前人

穎川郡太夫人者諱某字某雷州大首領陳玄之女羅州

大首領楊曆之妻驃騎大將軍兼左驍騎大將軍魏國公

思最之母也陳氏家富甲兵世奠嶠外夫人誕靈豪右淑

問幽閑六行天至不因師氏之學四德生知無待公宮之

教原夫陳本媯水楊承赤泉九貞為郡良吏集作史出守集作

平中國五馬浮江僑人占守集作呼南海兩州接縣集作二

門齊望卜妻鳴鳳擇對乘龍楊翁集作公有聘玉之祥應姬

獲探金之慶魏翁弱冠昇仕鞠躬禁闈正性本乎胎教剛

腸形乎義色神龍三年七集作六月五日北軍作難西華大

集作失守騎入宮壺丘纏御樓公孤劍凌鋒群凶奪氣倉卒

之際安危是屬既立殊常之勲遂蒙超次之命受銀青光

祿大夫上集作無上字柱國弘農縣公行內常侍其後改拜將

軍太夫人是加爵邑堂高九仞祿重萬鍾朝廷羨其揚名

川黨尊其遠聽夫人富而好儉貴而能勤身却錦綉手親

紉紵公每昏定晨省夫人必誠之忠孝勤學文武常訓汝

曰稱思勗當心念其義父母名之欲汝三思而勗勵也故

號公便習干戈漁獵書史致命伐罪擒叛徠於百越篤誠

誓衆破狂蠻於五溪闔子弟如使手足請風雷若應期契

聖朝答高秩於驃騎酬大封於號略豈非以辭第之懇忠

誠斷織之明訓臣節立矣君恩厚矣子孝成矣母慈著矣

備此四者善孰加焉抑神道祐心而人倫興行詩曰母氏

聖善又曰宜爾子孫斯實穎川大君之有也享年若干開

元九年四月八日薨于長安之翊善里先公早世丘墳故

域古無合葬有禮一有其文二字從宜夫以体歸下地萬里豈殊

乎黃壤魂何不之雙棺幸同乎玄宅集作室以其年十一月

十六日招魂附葬于萬年縣龍首鄉神鹿里申孝子不忍
隔親之情也恩勅賜錢十萬絹布皆百段日殫忠厚漢武
知其母教馮勤寵貴世祖稱其母德克軫天情頗為連類
號公生盡其禮沒盡其哀嗟閔水之日逝懼藏山之夜徙
追鏤碑版遠貼圖傳烝烝至意有足感人慳慳信言故無
愧色銘曰

陳公舜後楊侯周裔去國何人南遷幾世鄴祿嶂表朱岸
海際兩族相高材集作財雄兵銳銜歟邦媛儷茲國士友善

集作若琴瑟華如桃李心契法度容和愜喜資敬從夫移忠
訓子嘉此令子南滇北歸于天鶴唳拔集作支湔鴻飛朱宮

退散銅柱來威國家安寵魚軒翟衣子封號略集作五公
前母邑潁川三君舊土感激榮慶踟躕今古高堂夜空
吊客朝聚龍首山前前臨灞川招魂五嶺合塋三泉山山
丘墓樹樹風烟孝碑不滅茲墳永傳

汾陽王妻霍國夫人王氏神道碑
楊綰

鵲巢配德合好之義深象服建封寵光之至極况動循法
度射事蘋蘩揭四德而表儀高門秉一心而輔佐君子則
有夫人王氏有唐元輔汾陽王之伉儷本其盛族著於太
原高祖長諧皇左武衛大將軍秦州都督平原郡公贈荆
州大都督陪塋獻陵曾祖德玄銀青光祿大夫唐州刺史
祖士會河南府陸渾縣令父守一寧王府掾贈兗州大都
督或勲闕可稱或理行尤異積仁儲慶奕葉聯華夫人即

充州府君之長女敏晤生知孝慈天性誕含柔範光起韶
儀親執組紉備詳番史女宗之美燦然有光年既及笄禮
從納幣言告師氏歸于汾陽汾陽時寵祿未崇盛業猶晦
夫人循節儉之行服澣濯之衣祇事舅姑恪恭朝夕視庖
主饋未嘗假人下氣怡聲率由至性生既極其養歿又過
乎威慎徽衆善敦叙六宗睦娣姒以仁接中表以義由是
閨門以穆婦道有聞天寶中汾陽分鎮河中策勲王府夫
人從夫之義封瑯琊縣君尋又進封太原郡君其後寇盜
橫厲風雲玄感汾陽乃首啓戎行宣力王室出則統一師
旅入則燮贊台階元勲既崇殊賞斯至內訓之功其子或
位列通侯或室嬪貴主姻連右戚榮冠中朝門通河漢之
澤地成冠蓋之里每令節嘉賞長筵高會青紫照庭環珮
盈室薰灼人代莫之與京然約已尚柔從夫體順服仁不
倦率禮無爲愬是具美允應多福亦嘗排鳳闕謁龍顏及
承制曰汾陽郡主妻太原郡君王氏婉婉淑德齋莊令容
稟訓姍師友于琴瑟作賓君子宜爾室家克著艱難之勲
實由輔助之力可封霍國夫人初汾陽受命東征長驅河
朔夫人處於西土三徙其居導諸子以義方規衆女以典
則用能聿尊禮度伊加等之顧問奉殊常之寵錫容止合
度威儀可觀帝嘉其賢尤所稱重宜其阜昌盛業蕃衍華
緒荷恩渥於上天保榮耀於當代而夫人蘊高世之度抱
出塵之節以爲致盈必損理有固然誓棄浮華願歸正覺

於是損其服玩斥其愛染思契理於勝因將息心於了義
乃捨京城西別業奏置法雄寺又於法雲寺寫藏經條塔
院置經行之室立禪誦之堂景福所憑斯焉茫昧遐齡未
及奄爾薨殂享年七十三以大曆拾貳年正月辛未終於
平康里之私第皇慈興歎中使臨弔汾陽以睽借老之期
深遺掛之恨撫襟長慟悼亡何及卽以其年陸月貳日卜
塋於萬年縣鳳栖之原恩詔贈賻率加常典哀榮之盛今
昔罕儔有子陸人長曰銀青光祿大夫子詹事上柱國大
原郡開國公暉次日開府儀同三司行左散騎常侍趙國
公晞次日開府儀同三司行尚書吏部司封卽申上柱國
樂平郡開國公晤次日銀青光祿大夫試殿中監駙馬都
人暉次日銀青光祿大夫守殿中少監曙幼曰朝散大夫
守秘書省著作佐卽映有女八人長女適成都縣令盧讓
金次女適鄂州觀察使吳仲鴉次女適衛尉卿張浚次女
適殿中少監李洞清次女適司門卽中鄭渾次女適邠州
別駕張邕次適和州刺史趙縱幼女適太常寺丞王宰並
銜恤在疚是宗窳窳帝女降天人之貴從主婦之儀手制
衣衾親臨祖載自宮徂野徒行號擗此又盛德所感明靈
求慰者也汾陽屬當出鎮瞻望不及思刻金石以紀徽猷
縉顧無讚美之能虛承叙德之命式揚茂實以副永懷銘
曰赫赫崇勳鬱爲元臣峩峩淑德奄有方國夫貴妻尊恩
深寵極聿脩閭政以懋嬪則妥自中年嘉聲克宣魚軒昭

曜翟一作弟婢娟嬪從如雲歌鍾沸天水言浮世載悟貞
峯玄夜何速青鳥斯卜惻蒼筤簫蒼茫陵谷惟貞石之不
朽庶斯言之可復

故義武軍節度支度營田易定等州觀察處置等
使檢校司空同中書門下平章事贈太傅上谷郡
王張公夫人柳國夫人谷氏神道碑 權德輿

皇帝以文明御方夏以德禮序人倫貞元十二年秋九月
詔侍臣德輿以故義武節度檢校司空同中書門下平章
事贈太傅上谷郡王張孝忠夫人谷氏之淑行內則俾刻
金石臣聞風有采蘋采芣易曰中饋貞吉所以表柔明於
內子昭節信於元侯宣力獻功抑有其助夫人之先魏郡
人也在漢元成之代衛司馬吉以勲勞致命於絕
域大司農永以文學盡規於本朝前史書之以勵臣節四
代祖那律皇朝諫議大夫弘文館學士正直之道播于清
時曾祖輔袞左羽林軍長史祖倚相秘書省正字仍代藏
器晰而不耀考崇義天寶末有行師北鄙之勞累書勲伐
至左金吾衛大將軍兼殿中監贈特進夫人即特進府君
之第八女也稟是門風鍾于女士淑閑之度中外宜之初
大傳始自軍校建功河朔克彰婦順敬贊宗事正位于內
尚柔有儀泊太傅自易部領常山遂分節麗以至公相上
略兼資于明智中壺載揚其惠和二姓有輝六姻是憲盡
綸程之飾動珩璜之聲建中元年封魏郡夫人三年進封

鄧國夫麻旌淑哲也鵲巢之均一家人之悔勵遵且敬齋
 之色琴瑟靜好之儀夫人備有焉惟堂晝哭良兮繼志上
 慈下厚就養無方此又令嗣之能致其敬也貞元十一年
 冬以門承勲績之崇恩有選尚之貴方築外館聿來上京
 十二年二月丁卯以疾終於萬年縣安仁里私第年四十
 九遺章上陳敬而得禮皇情憫惻恩贈集作有加嗣子茂
 昭義武軍節度易定等州觀察處置等使趙復左金吾衛
 上將軍檢校工部尚書定州刺史兼御史大夫延德郡王
 博陵上谷之師以續休緒戎車委重優詔抑情次曰茂弘
 雅王府司馬茂宣舒王府長史嗣雍祀王府諮議參軍嗣
武將作少監兼御史丞幼曰茂宗銀青光祿大夫行光
少卿員外置同正員嗣焉皆以純孝裕蠱居喪執
 禮以其年冬十月甲戌奉夫人之轎車塋于京師少陵原
 不柩舊封式遵古道恩延戚里有命從之初夫人之兄從
 政實傳戎韜之訓以中執法判符定州有妹四人所天皆
 貴異姓之社從夫以尊公官之教率性而中象服交映魚
 軒並馳其後婚親一作姻無非勲德故太尉中書令西平王
 今太尉中書令瑯琊王夫人之姻也納徵佐餽焜耀于一
 時此又閨門之盛而積善有類也柔正之風本於王化愷
 梯之澤洽于幽泉此臣之所以拜受德音銘諸樂石也銘
 曰
 在漢子雲侃然中正昌言獻可遠緒傳慶降及特進策勲

文苑英華 卷一百一十五

斯盛乃生夫人如玉之温婉彼淑質宜乎盛門金絃石窠
所從益尊亦既晝哭道彰訓育中權之貴克繼藩服下嫁
之榮方承湯沐生也有涯壽胡不遐奄然冥冥喪此柔嘉
遽還黃壤空悲白華秦原隱嶙卅旒徐引此焉幽宅自昔
同盡追琢徽音終古不泯

文
贈

文苑英華卷九百三十五

誌一

皇親

鄴國公墓誌一首

信王墓誌一首

鄴國公墓誌一首

新平王墓誌一首

陸王墓誌一首

郭駙馬墓誌一首

會王墓誌一首

鄴國公墓誌一首

楊炯

永昌元年春二月甲申朔鄴公薨公諱柔字懷順弘農人
也縣犯大原王廟諱改爲仙掌焉公即隋煬帝之玄孫元
德太子之魯孫恭帝之孫鄴國公行基之子粵若稽古崇
德象賢統承先王脩其禮物惟丞相保寧西漢惟太尉亮

新東朝功書王家澤流後嗣亦猶司徒之敬敷五教殷德
 曰新后稷之播時百穀周有大賚隋高祖昧旦不顯齊聖
 廣淵皇天眷佑誕受顧命恭皇帝遜位明敷能讓天下作
 賓皇室與國咸休承百代之宗國稱二王之後公山河積
 氣清白餘甚孝友著於閨門信義行於邦國縱心妙用不
 出戶庭覃思典墳不窺園圃及其上公傳位命服居前有
 怵惕之心無驕矜之色漢之平帝猶敬劉歆集作循魯之
 戴公尚聞尚頌大唐貴為辰極富有寰瀛用三王之禮以
 同天地泰八代之樂以答神祇郊上玄定泰時金繩玉匣
 日觀登封左介西偏明堂布政未嘗不虞賓在列周客來
 庭禮秩尊於百寮贊拜絕於群彥集作猶能小心畏懼恪
 恭上帝時歆下人祇協以爲藩屏以訓子孫稟命不
 融享年五十有五嗚呼哀哉越某月塋于某原嗣子某官
 生盡其孝集作死集作盡其哀學不替於爲喪禮有踰於
 鑽燧卜其宅兆俾無後艱述其家風謂之不朽其銘曰
 有客有客乘殷之馬建于上公茲東夏有客有客乘殷
 之輅作賓王家率由典故天之蒼蒼人之云亡柏檟成行
 竟歸故鄉

故開府儀同三司上柱國贈太傅信王墓誌

常袞

昔周以仁厚之化睦于宗戚而武王之第有國者三無官
 者五漢家雖皇子畢王而猶各守疆土不在京師我唐以

孝理萬國周親並建至玄宗儀制益重寵以番邸罷其歸
藩大第連乎北宮高臺接乎雙闕令舊典不易特恩有加
所以廣親親之道洽骨肉之愛也王諱望字景玄宗至道
大聖大明孝皇帝第某子也母曰盧賢妃性與其貞氣合
於純君親之際止於孝伯仲之間止於弟重以師傳之教
資其賢淑之能實大雅之明哲高陽之恭懿也在開元時
則帝子之寵紫殿温清一作靖彤庭趨拜鳳姿秀發麟趾光
華祚于海邦藩我王室在至德時則皇弟之貴駟馬之迎
深於友愛三雍之獻益用親禮故詩有行葦勿踐所以昭
惠厚也我皇既受命則叔父之尊安平望高淮南屬長其

月會也不在贊拜之列其宴私也特加壽觴之敬故書有

俱來子孫列侍偃蹇叢桂淹留芳草內饗分膳賜藥在庭
杳然蓬瀛之外自適天人之樂斯非聖君尊寵之所尚賢
主福履之所宜也以大曆九年十月庚午寢疾薨于上京
春秋五十皇帝設位哀慟輟朝三日乃命中貴人襄事於
內邸宗室屬籍哭于外次既殯又詔司儀備物典策追謚
命大傅光祿勳持節弔祭京兆尹監護喪事以其年十一
月庚申塋于細柳原妃范陽盧氏祔焉禮也嗣子某郡王
某官某乙等孝極其至喪如不勝故事藩王墓銘別詔論
譔微臣惶恐謹而誌之詞曰
玉讚黃流文祖受命金璽綠受賢王分慶惟此賢王令德

孝恭尊事天子翼翼邕邕天子敬異優其賜與大輅之旂
玄衮及黼如何不末誰察誰補塋我叔父于渭之傍曉下
蘭坂夕臨並陽百官會送五校啓行鼓吹悽咽郊原蒼涼
御津門外集作上御津門遠睇連岡懷德增慟迴與更傷

信王第七子贈太常卿鄴國公墓誌 前人

維永泰元年歲在乙巳四月壬戌朔十一日壬申有唐信
王第七子儔終於西京之內邨春秋一十有八嗚呼哀哉
詔贈太常卿粵翌日追封鄴國公以其年五月三十日塋
于細柳原禮也公系承霄極慶襲藩維忠肅立身孝恭成
性早聯華於武穆能有裕於文孫令範韶閑良才羨秀敦
以友悌絕其交遊器適四科術通六藝弘此素尚暢於黃
其壽昌胡不秀實方固盤石遽凋本枝皇上義切友
于情深悼往睦親軫念懷德增悲寵贈太常卿特優恒數
仍錫苴茅之命用追棣萼之榮日月有時卜云其吉送終
灞岸載慟津門爰命侍臣碑刊貞石銘曰

玄宗之孫信王之子性與聰悟天姿韶美始能趨拜即異
幼冲觀書魯壁習樂雍宮韞此器能方期光大一朝短折
萬事冥昧皇恩寵贈友愛惟深幽局未閉長夜沉沉

奉天皇帝長子新平郡王墓誌 前人

維永泰元年歲次乙巳二月十七日新平郡王薨于西京
之內邨春秋四十一粵以其年五月七日遷窆于萬年縣
龜川鄉細柳原禮也王諱嚴字伯莊睿宗之曾孫玄宗之

孫奉天皇帝之長子也幼而溫良夙乃碩茂動皆執禮言必稱詩皇孫之中德行推美周邦右戚漢典開封代繼讓王之尊親承大伯之嗣先朝友愛奕葉追崇常佳南楚之風每翫西園之月仁者不壽遘疾而終皇上軫棠棣之悲懷鴈行之慘輟朝震悼義切天倫驚燧云封龜占從吉俄辭舊卽言向佳城近灞陵之高原當細柳之吉地冊旒將引玄甲啓行噐備傍終禮有異等嗣子年在童幼執喪而哀詔塋之儀悲深先遠禮豐碑之寔疑詞在刊銘銘曰文昭武穆天孫帝子好古推賢樂善歸美親承大伯業繼賢王漢屏斯重周卿有光人闕於水夜遷於壑長坂蘭摧小

睦王墓誌銘

梁肅

至諱某有唐代宗睿文孝武皇帝之第幾子今皇帝之愛弟也某年封睦王春秋若干以貞元七年某月日薨於京師皇上震悼命有司筮宅兆選吉日以明年二月某辰塋王其縣某鄉其原禮也惟天祐序于皇家惟王承慶于祖宗方於集作有周康叔實文王之子擬諸炎漢河間稱武帝之弟天鍾秀氣幼挺全德清明在中淳耀集作發外稟先聖之嚴訓則樂善不倦奉吾王之深愛則敬順日躋至乃因心之孝率性之道集作溫良惠和敏肅端懿學無不探集作藝無不至固以邈焉殊倫焯集作於生知者已洎夫備物典策啓土建封桓珪之重盤石之宗守以清淨行

文苑英華

五

以謙冲不然者何名之茂何寵之豐方將明上集作壽以
用五福胡乃天不憖而命不融此聖人所以深津門之慟
凡伯所以惜東平之終臣肅奉詔銘石寘玄壤之中所以
紀茲墳之未固以表王德於無窮者也銘曰
聖帝介弟於維睦王令問令望于邦有光惟王之賢懿德
日宣受福于天胡不永年東門之路西靡之樹萬有千古
賢王之墓

會王墓誌銘

白居易

唐元和五年冬十一月四日會王寢疾薨于內邸大小殮
之日上皆不舉樂不坐朝恩也越十二月十八日詔京兆
尹王播就監視塋事窆于萬年縣崇道鄉西趙原禮也是
王謙又詔翰林學士白居易為之銘誌故事也王謙縵字某

德宗之孫順宗之子陛下之弟幼有仁集作德早承寵章

未冠而王受封于會夫以祖考積集作定是德之慶父天兄日

之貴祚集作昨土列藩之寵好德樂善之賢宜乎壽考福延

為王室輔嗚呼降年不永二十一而薨集作終哀哉皇帝厚

敦集作睦之恩深友悌之愛故王之薨也軫悼之念有加

於常情王之塋也追尊之儀有加於常數哀榮兼備斯其

謂乎銘曰歲在寅月窮紀萬年縣崇道里會王薨塋於此

特進贈袁州都督駙馬都尉觀國公楊公墓誌銘

張九齡

公諱某字某弘農華陰人也其先食采於楊因邑為氏始

文苑英華卷之九

九

大於兩漢更盛於周隋司空觀德王我之高祖也台階論
道盟府書勲利建維城澤流後嗣洎右衛將軍贈兵部尚
書府君諱某累葉炳靈六轡承祀而皆千里一舉逸翰所
推五族集作侯同拜貴戚莫比公即尚書之子也誕保中和
克紹前列幼以美秀兼大叔之文長而嘉聞增季友之業
孝悌忠信蘊乎生知禮樂詩書成於時習弱冠以門子調
補晉州參軍中宗之在春宮也妙簡才地將降天孫兼之
實難而公惟允以選尚長寧郡主加朝散大夫拜通事舍
人累遷左集作右衛即將神龍元祀中興在運預聞大策克
樹休勲而貴主宜家既增湯沐列侯傳國復錫山川至是
始襲觀國公拜駙馬都尉左千牛衛將軍加上柱國累遷
兼太子賓客增秩金紫光祿大夫又特進右散騎
常侍左千牛將軍陝王傳坐事左出巴州刺史入為光祿
卿復出為毫襄陳鄧四州刺史左轉郵毫許絳四州別駕
公性明敏有器韻不求虛譽而百行允脩不矜小喜而九
能咸事至於入官從政東文西武才既兩可事亦百中且
不恃貴而集作以傷義不怙寵而廢公奉以周旋加之為挹
雖在降出無它悔恡此亦公之善自為謀以道終始者也
開元十二年四月癸卯遘疾薨於絳郡之官舍春秋五十
天子悼焉有制贈使持節都尉袁州諸軍事袁州刺史仍
遣使弔問令還塋京師奉禮有加哀榮異數其年秋致月
甲申塋于北原其孤曰某等築塋在夜願圖遺後之人亦

文苑英華卷之九

九

知范宣之世祿豈獨戚孫之立言銘曰
嚴嚴大華作鎮西土祚我諸楊降生厥祖四代而立為漢
元輔爰及徹裔克復光集作先古猗嗟觀公不忝前人荷天
休寵為國嘉姻王孫作儷帝子來賓瓊敷玉潤暉映紛綸
乃登王朝乃尊爵秩祿盈萬鍾賦食千室亦克畏滿亦以
戒逸物更盛衰時有得失稟命不融斯人則亡天歸京兆
地還連岡于嗟此室徽音不忘

銀青光祿大夫檢校左散騎常侍兼宮苑閑廐使

駙馬都尉郭公墓誌銘

沈亞之

府君諱某其先關西鄭人也六父汾陽王始以武集作武勳

著績為朔方軍副使天寶末玄宗西巡巴蜀肅宗勞兵于

武乃率其義虜順夷合兵逐叛得為朔方軍節度既而

二駕還都拜為中書令統兵於外初廣德集作代大戎飲

馬昆明至于御溝天子在陝又以擊逐之功益拜尚書令

封汾陽王尊稱尚父乃詔子贍尚昇平公主都尉主客皆

賢故長安中名人文士自李端司空曙之徒咸遊其門賦

詩席酒更日而主生子三人女二人長今為皇太后府君

即其少子初憲宗居邸時親臨主家納迎如禮及今上即

位皇太后昆弟皆寵錫尊官而府君最少益蒙隆念自分

州刺史入為殿中監尚西河公主歲餘改宮苑閑廐使府

君寬柔和易不守剛決長慶三集作二年七月五日暴疾卒
于主家享年三十七太后聞之驚悼悲哀使者自中宮出

按問發疾之狀月餘乃解以其年十二月十九日塋于京兆某原之上初西河主前降吳興沈氏生子男一人及郭氏之喪無後而以沈氏之嗣爲之主辦卜塋有期主喪者使其家吏牽馬操幣至于櫟陽即尉家曰尉之文記事有聞矣願得爲之銘以誌其壙於與叙勲典之事表于墟中云銘曰河旌崑崙命源惟長跋干神葉其來泱泱影響遠會披華吐章靈姻氣交彭而興祥陶以精神涵爲濃光保我國步乃生汾陽在戶作肩橫天爲梁息災破難以藥瘼瘡帝子入室固如維綱孫爲國母沙麓以昌少舅集作姻臣謙寬汪汪祿而不壽念集作哀彼中霜惟其流慶與唐無

文苑英華卷第九百三十七

卷終
誌三

宰相二

相國義陽郡王李抱真墓誌一首

相國武昌節度元禎墓誌一首

相國義陽郡王李公墓誌銘

穆員

皇唐九葉天啓元聖運并中否蓋有苗不恭舜德於是乎盛後從孔熾周道於是乎興而我相國太保義陽王文武命代經綸應期柱石將傾舟楫未濟腹心王畧爪牙天討芟夷大憝覆冒生人公諱抱真字太真本姓安氏世爲秦州盛族高祖修仁佐太宗征伐益大其家寵位本州啓封申國魯祖興表作永達開府儀同三司左驍衛大將軍祖恪表作

懷恪陳州司馬贈兵部尚書考濟管贈太子太保或才光一作

克于時或道屈于命從父兄司徒涼國公抱玉事肅宗代

宗勲著王室錫以天姓代宗之初僕固懷恩怙兵犯順公

時再命汾州別駕隨州陷焉懷恩雅奇公才而懼公之不

同所以待公與衛公者借切公竟以勇智自脫投身京師

上方以懷恩為憂不啻於祿山思明之難遣公進討公曰

郭子儀領朔方之衆人多思之懷恩因人之心以邀其勢

給其衆曰子儀為魚朝恩所戮劫而用之今若復子儀之

位可不戰而克上嘉而納之其後懷恩父子皆敗朔方有

衆洎西北兩蕃望子儀而頓伏皆如公策拜殿中少監擢

受清列澤盛當時卿大夫賢者從之遊朝論羨價於斯為

大駕幸陝欲遂都洛陽公入陳數敬于房之說且曰臣

見天戎今已遁去翌日長安告至如公之言代宗器公之

才將試其用詔兼御史中丞充陳鄭澤潞節度留後公以

所奉之主則從父兄司徒公乃深惟大雅明哲之義罷請

晉府願効列郡優詔從之拜澤州換覃懷二邦之人得公

失公皆如父母未幾復統晉府之政累加御史中丞左散

騎常侍并領磁邢二州增秩加邑國之報也今上即位用

聰明神武照臨不庭命方叔召虎鎮衛四國是用授以黃

鉞俾以專征而方命之徒畏威先舉田悅以暴兵五萬屬

我東鄙却邢州圍臨洛守將乘城如山不拔忿志且恥既

悉索境內且乞師于隣掘地于雲壕壘數合上絕飛鳥下

及黃泉公躬執鉏鼓屢挫其銳詔命大原節度使今侍中
馬公與公合縱且曰盡敵非疑是摧堅陣於雙岡釋重圍
於二城殲逆徒於洹水凡三戰三北退伏于魏窘如囚拘
逆將朱滔誘今司徒王公合范陽恒山之衆來爲悅援公
與馬公洎郡帥屯于魏橋相持卒歲無何京師有朱泚之
亂鑾輿外次郡帥失圖於黃還師唯恐在後公徐統上馬
退次洛州旋奉詔書俾勤所職于時將卒倦戍久矣及其
還也如川壅而潰勢不可遏公以至誠大義發爲號令俾
四郊激勤王之志三軍忘思歸之心進師漳河獨壓強寇
先是與公戮力大原朔方盟津洎神策四帥十萬之旅二
朝雨散孤軍特立天下危之公忠貫天地機先鬼神動如

三途踐宰衡終厥有成凡化二邑理七郡三入中書拜統

兵部選吏部集本文粹各兩典樞密共五載光弼四主歷

政三十有餘其間累有謗集作傍及官因左退日月蝕而更

明隨和幽而不昧爾其爲邦設教尊德閑邪身勤心苦誠

感物化禮讓興於私室刑罰廢於公家衡鏡高懸文武矯

首才無我失善若已有風流明教作法垂後訐謨皇極功

格天地茫茫蠢蠢旣生旣遂四夷來王五靈皆至然而外

榮中素迹邇心遐杳然朱石二本之若喪二本若赤松

之可接西宴驪山之谷東息龍池之野擇道遙而建號裂

土宇而西社明主封帝丘之謀表高臣之志也公考侍中

爲國元輔公兄承慶當代齊名咸以令德繼和金鼎扶陽

二相陳氏三君復追美名

二本

侍中前夫人崔氏生黃門

而即世後夫人王氏生公而偏愛公克諧以孝因心則友

啓均養之德成無間之言天下之人比之祥覽惟公德行

言語文學政事四者實惣而兼之事親養志而能爭居喪

過哀而顧禮此又善中之善者也善人天之經也國之寶

也道將興廢木鐸之用有時命或推移蒼天

二本之

之望

恒在春秋六十有六遘疾陳郡還醫洛師開元七年九月

二日薨于歸德里有詔贈兵部尚書謚曰孝禮也明年某

月塋于某地有子孚恒濟夫孺然在疚靡所寘哀以某忝

縉雲之舊寮沐清風之餘論入難名之閭域窺妙德之形

容見託銘志庶傳精爽至於歷官次序平居事業當見郡

志之碑國史銘臣之傳故不存焉銘曰

我仁公抱孝含忠文獻則足高明有融翻飛王佐穆我

清風道濟明時心樂幽地薜衣華衮坦然一致逍遙啓封

帶礪傳嗣

二本

作祀生涯共盡振古其常人秉三德天歸百祥

臧孫有後公業不亡

開府儀同三司行尚書左丞相燕國公贈太師張

公墓誌銘

張九齡

大唐有天下一百一十三年開元十有八載龍集庚午冬

十二

集作

一 月戊申開府儀同三司行尚書左丞相燕國公

薨于位享年六十四嗚呼哀哉皇帝悼焉素服舉哀廢朝

三日乃下制贈太師蓋師傅之舊恩禮有加也詔塋先遠

文苑英華 卷之...

葬事有日又特賜御詞表章琬琰公義有志身之勇忠為

社稷之衛文武可憲之政公侯作捍之勲皆已昭昭於天

文雖日月争光可矣公諱說字道濟或字說之范陽方城

人晉司空壯武公之裔孫周通館學士諱戈府君之曾孫

贈慶州都督諱恪府君之孫贈丹州刺史刑部尚書諱騰

府君之季子自上世積慶及公而祥發神明所祐集作道

德為樞生以寧濟幼而聰悟集作體祥鷹揚虎視英偉磊落越

在諸生之中已有絕雲霓之望矣初天后稱制舉郡國賢

良公時大知名拔乎其萃者也起家太子校書迄于左丞

相官政四十有一而人臣之位極矣尚書國之理本公悉

更之中書朝之樞密公極掌之休聲與偕升降數四守正

所平除者唯幽并秉節鉞而已至若三登左右丞相三作

中書令唐興以來朝佐莫比聖賢之運有會師臣之道欲

行人雖求多我每餘地馨香之發敷聞自久宜其翊戴聖

后師範百寮功烈過於如神德聲出於咸一此固與版築

囑起屠釣作合之類亦云異也公志玄遠而性高亮未嘗

自異會節乃有立何所不可體道以為宗既定國於一言

亦保身於大雅其於經理世務雜以軍國決事如流應物

如響紛綸輻輳其猶指掌及夫先聖微旨稽古未傳缺文

必補墜禮咸甄與經籍為笙簧於朝廷為粉澤固不可詳

而載也始公之從事實以懿文而風雅陵夷已數百年矣

文苑英華 卷之...

時多吏議擯落文人庸引雕蟲沮我勝氣丘明有恥子雲
不爲乃未知宗臣所作王霸盡在及公大用激昂後來天
將以公爲木鐸矣斯文豈喪而今也則亡嗚呼克生以輔
時而臣道不究致用以利物而人將安仰上撫床以念往
下輟相而哀至復見之於公馬大常議謚曰文貞二十年
秋八月甲申遷窆於萬安山之陽燕國夫人元氏祔焉夫
人故尚書右集作左丞相武靈公懷景之女也動爲柔範皆
可師訓及公之貴連姻帝室雖處榮盛若非在已內執謙
下外睦親踈古之賢明未始兼有開元十九年三月壬戌
薨于東都康俗里私第享年六十四長子均中書舍人次
自相駙馬都尉衛尉卿季曰叔符寶郎泣血在疚皆我之
有後也嗚呼玄堂永闕何事春秋幽篆斯在亦云不朽而

已銘曰

天有密命滋液百寶時無大賢誰與明道我公允叶我德
孔昭翰飛戾天羽儀清朝功遂身謝名由實羨言而有立
古無不死南山之下詔塋于茲後之與歸惟我大師

相國崔公墓誌銘

穆員

皇唐相國博陵公姓崔氏諱澳字某佐玄宗扶正厄運保
維宸極戴肅宗紹復大業底綏生人事代宗朝羽儀百辟
歷官二十三享年六十二以大曆三年冬十有二月二日
薨于道州刺史之寢明年歸祔于洛北陽邨山令上六年
追贈尚書左僕射夫人滎陽鄭氏華陰郡太夫人以子貴

也公娶前夫人生冢子常山公公之清德重望洎天官亞
相之位事後夫人滎陽鄭氏恭公之理命以無遺為大而
龜俛拘忌出入銜恤推周公合柩之事九龜從事逆者數
嗚呼天不以西漢常平之美惠于吾君使常山下世未懷
不集故有沒代之庸著遺令焉貞元元年秋九月季子京
兆府三原丞楊孫前渭南尉元方哀奉常山之志逮乎在
殯是月壬午啓博陵公之塋明月丁酉以華陰郡太夫人
洎繼夫人隴西李氏之喪歸禮也公大父諱玄偉唐書
作瞻中
書令博陵王於皇唐有再造勲事具國史考璩禮部侍郎
襲博陵王與魏元忠趙貞固為友出處齊名公則禮部之
第二子也天寶中歷屯田左司二員外郎出為歙州刺史

檄絲州錫金印紫綬大駕南巡以至誠大義感悟聖主中

興之業見於言下推拜門下侍郎平章事靈武即位與上
宰房公琯奉冊書國璽唯新景命是時也中原有昇浞之
亂東南有吳淠之釁乃三分天下之一以八柄付公俾公
仗節督護河南山南江南淮南之地凡受賑專征者由公
以律二千石已降唯所遷置公於是度用均賦息人繕兵
外攘四封內叙多士望高寄重怙寵者排之降左常侍領
杭州刺史俄轉常州徵拜秘書監太子賓客大理卿坐失
繫囚移信王府傳轉尚書左右丞吏部侍郎御史大夫大
曆中元載顓政中外附之公對敷內廷數其不赦之罪上
舍之未諭公抗詞焉寺人屬垣漏言于載未幾有道州之

役遲憾故也公標鑒遐明姿度弘粹松茂玉潔風清雨潤
文以經邦爲用學以爲己爲宗承祖禰以付子孫者清白
孝友其哲人哉夫人磁州刺史曾之孫潁川太守長裕之
女年若干捐公之館子曰縱實常山公繼夫人舒州刺史
紹之孫左羽林錄事參軍晃之女年若干遺公之祿子曰
世系表 隼作隼仕萬年尉不幸早夭二夫人地清天和夫賢子
孝四者均有之清之發祥和之應壽賢之用貴孝之報榮
四者皆違之哀哉孝孫元方痛先人存沒不伸之志其號
天也與吉凶俱咨于叔父揚曰先志未從不敢以見先祖
是日也奉二夫人合于此室既定而常山附焉員常山門
更見託銘石其詞曰於穆元輔歸人故丘列樹已拱清風
仙心遊矣夫人同 春配忠生孝子 聖懷民相及於

慶達其身五父雙塔九泉同閉遺照嘉祥及爾昆裔

文苑英華卷第九百三十六

宰相一

左丞陸元方墓誌一首

中書令逍遙公常嗣立墓誌一首

尚書左丞張說墓誌一首

崔相國渙墓誌一首

文昌左丞陸公墓誌序

張說集無

公諱元方字希仲蘇州吳縣人也帝典惟二虞盡美於南風強國有七齊莫大於東海元候制食因為宗丞相冊勳開吳佐命盛德之後瑤琨代襲故冊青奕世三君之壘並高金玉聯華五常之日齊重公即陳給事黃門侍郎琛之

會孫唐荊州當陽縣丞山仁之孫司儀郎東之之姪豫章
尉玄之之子體玄黃之純粹峻清白之隆甚鵬翼載軒騏
鳴自遠始以司成明經業優擢第補三水扶風渭南三縣
尉授裏行監察膠中三御史遷鳳閣舍人兼太子中舍又
判鳳閣又守秋官行鸞臺三字侍郎同鳳閣鸞臺平章事
坐公事降為綏州刺史居無何檢校春官又試天官二侍
郎兼司衛卿復徐鸞臺侍郎同鳳閣鸞臺平章事轉右庶
子轉文昌左承前後掌選及知考各二歲九流銓總代天
理物公執其衡鏡而野無遺賢三載考績惟王舊典公秩
其一作幽明而庶官咸事斯並憲章臺閣籍其人倫至於
經傳其道彌綸庶務嘉猷於德弘益晦於雅羨不
稱而聞也古人有言進退在公忠信在人一出持州戶
漑政汲長孺之方直時守外臺胡伯始之詳明丞司中禁
抑有由焉嗚呼人之淑斯宜宜難老昊天降戾曾不憇遺
大定元年二月七日寢疾而終春秋六十有三歷事兩宮
三十餘載奉上惟敬臨下惟誠密勿兩終靜而調理心尚
坦率不違名教之地迹列軒裳不雜風塵之伍施與忘倦
鄉黨穆焉夷險若一朋友義焉所謂終溫且惠行同歸於
大雅克已復禮身不離於令名及東首歸全西階撤奠無
食粟之馬無衣帛之妾知與不知莫不嘉歎粵三月十四
日假塋之國門之南費村未刊昭烈垂之幽礎其銘元本
不載

此篇元在九百四十卷職官門今移于此

中書令道遥公墓誌銘

張說

道遥公常氏諱嗣立字延構京兆杜陵人也
文澤元之正性挺生人之秀傑門爲孝悌之府世處台衡
之地蓋士林之高標宗臣之首出者也生於秦之清水長
于鄭之成臯聰明先覺博古兼覽究蓬山之百氏綜闕里
之六藝文而不華實而不滯原夫志在於易行在於禮守
彙籥之冲虛播朱紘之愷悌事有則而言有度神無方而
用無體其與人也温良善誘仁恕多容俾夫頑蔽開拆獲
驚擾從君子進道小人革慮聞者願來見者忘去若膏澤
之浸陽和之感萬物不知其化矣及夫履簣登朝濫觴宰
宰聖朝知其周慎忠肅簡易循良是以調膠兩禁重
坐馴上在奉天躬禹湯勃興之德曰萬方有罪罪予一人
發號改元與人更始公奉初天澤浹于四隣增日月之明
廣雷雨之施由公而復爵位者今司徒王公洎魏博青齊
三帥凡三道數十州百萬旅歸于聖理公之功也朱滔以
幽燕勁卒獯虜驍騎將欲橫行咸洛岨強中原輔其兄泚
窺伺神器公以奇謀正義問說成德成德與滔契重婚姻
事同艱阻與公交鋒對壘積爲敵讐乃爲國爲公忿滔如
嚮將欲自竭先誠於公投我以可疑報之以必信公與王
公之相見也王公旌旆車騎亘如長雲晦日蔽天風驅而
至公以數騎徑造其前王公叱去左右躍鞍而下交臂號

譁聲聞昊天即日兩軍億萬之師悉如兄弟公遂入其壘
 授之以畫明日合勢大破滔軍于涇城之西滔鼠竄舊巢
 至死不振逆泚析臂群兇奪魄諸將聞風益壯踵武獻功
 既而妖彗滅星纏復鯨鯢戮九字一作妖慧滅光星纏復觀恐非海木清而
 振曜靈威興復昌運自我而始其天啓歟公使將如臂使
 卒如指決勝于千里之外者則河中拔淮夷殄分彼成功
 什三四焉初臨洛之解遷工部尚書洹水之勝轉兵部魏
 橋之勤加右僕射漳濱之因轉左僕射同中書門下平章
 事朱滔之敗遷司空食實封五百戶貞元初上有事于上
 帝列祖公得請會朝宣室受釐明堂布政對揚丕顯錫命
睿庶方寄松股而藩屏定切方屬周召而桓文是賴數月
 受命還鎮公之鎮於潞也垂三十年撫五郡四封之人作
 芝醫作之師生成之富庶之耆老詣闕願刊金石詔伴時
 宰揚其頌聲廼者大梁東平二帥交惡僉使上介質正於
 公公以天道助順神明與直裁而辨之司徒王公以不二
 心合公一德資稟明畧有如元龜議者謂上黨之俗地狹
 而力氣寒堅木蓋戰國武卒之餘也故長於步冀之地土
 馬之所生故長於騎而公與王公天下之傑也各因其俗
 之所長以伯諸侯嗚呼使公將步王公將騎以征四方以
 奠王室亂臣賊子誰敢萌心上天為何而降公疾願守謙
 損固辭崇高請罷三公拜章七還天子重違宗臣之請又
 迫蒼生之望退授僕射而安危注意之任猶以煩之十年

六月一日薨于位春秋六十有二皇上震悼輟朝三日所以贈襚之品禮極數殫中貴護喪達于洛泗冬十月九日塋於澠池祔先君太保之塋禮也公自生勲門幼被儒術長覽太史公班孟堅書服從衡之言至於兵法尤其天性而體乾之剛利坤之貞煦春之仁厲秋之義蹈禮之節包樂之和是以文昭扶翊武著戡靖行備九德政成百度忠與勲偕業與時併兵符相印與身終始開國傳家與國無窮盛矣哉公再娶于鄭華宗令德其偶而一前夫人滎陽郡夫人皇洛陽令汲之子也不幸早世後夫人沂國夫人皇洛州壺關令鞏之子也昔以賢輔貴今以哀報榮既大

公門且肥公室初公之棄三軍也嗣子前殿中侍御史鞏

死非孝深惟自免之計既而忠孝全焉次子幼成季子幼
清次女適清河崔弘雅有幹父裕母之美長女幼女並從西方之教各得其旨緘等以公成功盛德列于史策流于歌頌傳于故老之口巍巍乎其不朽矣若丘壑遷化歲序超忽則貞石是賴不可以不識焉爰假菲祠俾鋪玄壤銘

曰

陰陽成歲百物以生聖賢撫運天下以平神武嗣統朝陽啓明照臨萬邦震曜不庭蠢彼昏迷爲國未詳乃命徂征風行王化雷動天聲靡守不固何攻不傾信信一作咆材武率馴忠真茫茫氛祲於變廊清入覲于王惟周疑作之禎帝

念藩翰復我長城宜錫難老以主夏盟柰何昊穹天祿一作
謝壯齡善積存沒報窮哀榮勒勳王府遺業生靈歸我真
宅封山表瑩永閉泉戶與天壤并

此篇元在九百三十八卷職官門今移于此

相國武昌君節度觀察處置等使正議大夫檢校戶
部尚書鄂州刺史兼御史大夫賜紫金魚袋贈尚書

右僕射河南元公墓誌銘 白居易

公諱積字徽之河南人六代祖巖隋兵部尚書封平昌文粹

如此是英華作武公五代祖弘隋北平太守高祖義端魏

刺史曾祖延景岐州叅軍祖悱南頓縣丞贈兵部員外郎

考肅寬比部郎中舒王府長史贈尚書左集本文僕射

魏昭成皇帝十九代孫也公授天地粹靈生而岐然孩而

嶷然九歲能屬文十五明經及第二十四調判入四等署

祕書省校書郎二十八應制策入三等拜左拾遺即日獻

教本書數月間上封事六七憲宗召對言及時政執政者

疑忌出公為河南尉丁陳留太夫人憂哀毀過禮杖不斲

作能起服除之明年授監察御史使於蜀按任敬仲獄得

情又劾奏東川帥違詔條過籍稅又奏平塗三輔等八十

八家冤事名動三川三川人慕之其後多以公姓字名其

子朝廷疾二本東諸侯不奉法東御史府不治事命公分

臺而董之時有河南尉離局從軍職尹不能止監察御史

死其柩乘傳入郡二本無入郵郵吏不敢詰內園司械繫

人踰年臺府不得知飛龍使匿趙氏亡命奴為養子主不

敢言浙右帥一作使封杖杖一作結吉安令至死子不敢愬凡

此者數十事或奏或劾或移歲餘皆舉正之內外權寵臣

無柰何咸不快意會河南尹有不如法事公引故事奏而

攝之甚急先是不快者乘其便相噪嗾坐公專達作威黜

為江陵士曹掾居四年徙通州司馬又四年移虢州長史

長慶初穆宗皇帝二本無此二字嗣位舊聞公名以膳部員外郎

微用既至轉祠部郎中賜緋魚袋知制誥制誥王言也近

代相公多失於巧俗自公下車俗一變至於雅雅二字作

變至於典譽時謂得人上嘉之數召與語知有輔弼之

旨尋拜工部侍郎旋守本官同中書門下平章事公既得

位方將行已志谷君知無何有檢人以飛語構同位詔下

案驗無狀上知其誣全大體與同位兩罷之出為同州刺

史始至急吏緩民省事節用歲收羨財千萬以補亡戶逋

租其餘因弊制事贍上利下者甚多二年改御史大夫浙

東觀察使將去同同之者幼鰥獨泣戀如別慈父母遮道

不可遏送詔使道集作呵麾鞭有見血者路闢而後得行

先是明州歲進海物其淡蚶非禮之味尤速壞課其程日

馳數百里公至越未下車輒奏罷自越抵京師郵夫獲息

肩者萬計道路歌舞之明年辨沃瘠察富貧審二本勞逸

以定稅籍越况便之無流庸無逋賦又明年命吏課七郡人冬築陂墾春貯雨水夏既旱苗農人賴之無凶年二本無此

三無餓殍在越八載政成課高上知之就加禮部尚書降

書慰諭以示旌寵又以尚書左丞徵還旋改戶部尚書

鄂州二本岳節度使在鄂三載其政如越太和五年七月二

十二日遇暴疾一日薨于位春秋五十三上聞之軫悼不

視朝贈尚書左二本僕射加贈賜二本作焉前夫人京兆

常氏懿淑有聞無祿早世生一女曰保子適校書郎常綰

今夫人河東裴氏賢明知禮有輔佐君子之勞封河東郡

君生三女曰小迎未笄道衛道扶齧亂一子曰道護三歲

齊人常氏長女聚謙等號護齧以六年七月十二日

祔塋於咸陽縣奉賢鄉洪瀆原從先宅兆也公著文一百

卷題為元氏長慶集又集古今刑政之書三百卷名類集

並行於代公凡為文無不臻極尤工詩在翰林時穆宗前

後索詩數百篇命左右諷詠宮中呼為元才子自六宮兩

都八方至南蠻東夷國皆為傳之每一章一句出無脛而

走疾於珠玉八觀其述作編纂之旨豈止於文章刀筆哉

實有心在於安人治集作國致君堯舜致身伊臯耳抑天

不與耶將人不幸耶予嘗悲公始以直躬律人行而勤之

則坎壈而不偶謫瘴鄉凡十年髮斑白而來歸次以權道

濟世變而通之又齟齬而不安居相位僅三月席不煖而

罷去通介進退卒不獲心是以法理之用止於脩二本一作舉職不布於庶官仁義之澤止於惠一方不周於四海故公之心不足也逢時與不逢時同得位與不得位同富貴與浮雲同何者時行而道不行身遇而心不遇也執友居易獨知其心以泣濡翰書銘於二字墓曰嗚呼微之年過知命不謂之夭位兼將相不謂之小然未康吾民未盡吾道在公之心則爲不了嗟乎哉二字文性作惜或惜哉道廣而俗隘時矣夫心長而運短命矣夫嗚呼微之已矣夫

文苑英華卷第九百三十七

誌四

宰相三

丞相太子少保牛僧孺墓誌一首

東川節度使周墀墓誌一首

丞相太子少師竒章郡開國公贈太尉牛公墓誌

銘

杜牧

唐佐四帝十九年宰相牛公諱僧儒字思黯八代祖弘以德行儒學相隋氏封竒章郡公贈集作謚文安侯文安後四世集州刺史贈給事諱休克於公爲曾祖集州生太常博士贈太尉諱紹太尉生華州鄭縣尉贈太保諱幼聞太保生孤始七歲長安南下杜樊鄉東文安有隋氏賜田數頃

書千卷尚存公年十五依以爲學不出一室數年業就名
聲八都中故丞相常公執誼以聰明氣勢急於褒收如柳
宗元劉禹錫輩以文學秀少皆在門下常公亟命柳於樊
鄉訪公曰願得一相見公乘驢至門常公曰是矣東京李
元禮爲後進師隋竒章公仁德祿位二者包而有之登進
士上第元和四年應賢良直諫制數強臣不奉法憂天子
熾於武功詔下第一授伊闕尉以直被毀周歲凡十府奉
取不下伊闕蕪歲郟公士美以昭義軍書記辟凡三上請
詔除河南尉拜監察御史丁母夫人憂制終復拜監察御
史知雜事改考功員外郎集賢殿直學士庫部郎中知制
誥賜五品命服半歲遷御史中丞宿州刺史李直臣以
萬敗穆宗聽律德偏詞於中稱直臣寬且言有宰相
言格不用公以直臣欲奏上曰直臣有才可惜公曰彼不
才者無飽食以足妻子安足慮本設法令所以縛束有才
者祿山朱泚是才過人而亂天下上因可其奏曰善賜章
服金紫遷戶部侍郎掌財賦事上益親重欲相之會中書
令韓弘男公武謀曰大人守大梁二十年齊蔡誅後始來
朝今不以財援中外設有飛一詞者誰以二本保白公武
齋弘書獻公錢千萬公笑曰此何名爲公亟持去明年弘
公武繼卒主藏奴與吏訟於御史府上憐弘大臣父子併
死稚孫將家事走中使至第盡取財簿自閱視凡中外主
權多納弘貨獨朱勾細字曰某年月日送戶部牛侍郎錢

千萬不納上大喜以指曆簿遍視旁側曰果然吾不謬知
 人殿上皆再拜呼萬歲尋以本官平章事明年正位中書
 侍郎加銀青三品兼集賢殿大學士監脩國史敬宗即位
 與武士收宴無時徵天下道士言長生事公亟諫曰陛下
 不讀玄元黃帝五千言以清淨養生彼道士皆庸人徒誇
 欺虛荒豈足師法未一歲請退不許連四月日間以疾辭
 乃以鄂岳六州建節號武昌軍命公為禮部尚書平章事
 為節度使公始至問民疾二本苦皆曰城上棘惡歲輸篲
 竹為苦具姦吏旁緣主為侵取費與稅等歲久前後政欲
 畫計策訖無所施公即除去冗長用公私錢陶埴成城樓

浙北五年乃就明年文宗御位就加吏部尚書明年急徵
平章事月作重拜中書侍郎弘文館大學士

鄭注怨宋丞相申錫造言挾漳王為大逆狀跡牢密上怒
 必殺公曰入臣不過為宰相今申錫已為宰相假使如所
 謀豈復欲過宰相有他圖乎臣為中丞愛申錫忠良奏為
 御史申錫之心臣敢以死保之上意改由是宋不死大和
 六年西戎再遣大臣擊二本寶王來朝禮倍前時盡罷東
 嚮守兵用明臣附李太尉德裕時殿劔南西川上言維州
 降今若寇文粹生羗三千人燒十三橋橋成腹心可洗久
 耻是常臯二十年至死恨不能致事下尚書省百官聚議
 皆如劔南奏公獨曰西戎四面各萬里來責曰何事失信
 養馬茹蔚川在平涼上平涼坂萬騎綴回中怒氣直詞不

三日至咸陽橋西南遠數千里雖得二本維州此時安可

用棄誠信有利無害匹夫不忍為况天子以誠信見責於

夷狄且有大患上曰然遂罷維州議太和六年檢校僕射

平章事淮南節度使經六年至開成二年連上章請休官

詔益不許公曰臣唯退罷可以行志夏五月以兵付監軍

使拜疏訖就道除檢校司空留守東都明年拜右二本僕

射上恐公不起詔曰朕比有疾良已思一面叙公不得已

至闕下一拜謝閉門不出明年檢校司空平章事襄州節

度使出都門賜黃尋蹲龍杓凡六器名出周禮詔曰精金

古器用以比况君子非無意也襄州七年假饒軍人入賦

不此公至據地造籍免貧弱四千萬均入豪強皆曰甘心

漢水溢堤入郭自漢陽王張柬之一百五十載二本後水

為再大李太尉德裕挾維州事曰脩利不至罷為太子少

保二本未幾檢校司徒兼太子太作保明年以檢校官

兼太子太傅番守東都劉禎以上黨叛誅死時李太尉專

柄五年多逐賢士天下恨怨以公德全畏之言於武宗曰

上黨扼二本左京控山東劉從諫父死擅之十年後來朝

加宰相縱去不即二本留之至積叛竭天下力乃能取

此皆公與李宗閔宰相時事從諫以大和六年十二月十

七日拜闕下公實以某月十九日節度使淮南明年正月

從諫以宰相東還河南少尹呂述公惡其為人述與太尉

書言槓破報至公出聲歎恨上見述書復聞前縱諫去壘

二怒不一叅校自十月至十二月公凡三貶至循州員外

長史天下人爲公接手咤罵公走萬里瘴海上二年恬泰

若一無事今天子即位移衡州汝州刺二本史遷太子少

保少師凡四年復位大中二年十月二十七日薨于東都

城南別墅年六十九天子恫傷不朝兩日再集作贈大師

二本天下善人執手相吊哭公忠厚仁恕莊重敬慎未嘗

不以此八者自勉而終身益篤爲宰相急於銓品凡名清

官不忍持一資以假非其人以道德謨於天子每指古義

爲據有言機利克追必鈇音劊各使之摧破三大邦去

平除民二本無大患其輕巧吏欲賦公愛惡節

其子女月與食歲與衣資送其死喪凡數百家李太尉志

必殺公後南謫過汝州公厚供其哀其窮爲解說海上與

中州少異以勉安之不出一言及前事鎮武昌時軍容使

仇士良爲監軍使公律以禮敬暑甚大合軍宴拱手至暮

一不搥扇亦自儉克平居非公事不出內屏周二歲語言

舉止率有常度仇軍容開成末首議立武宗權力震天下

每言至公必合手加額二本曰清德可伏二本人但過恡

官財與人無一毫恩力二本耳不肯引譽不敢怨毀淡居

其中公始自河南薦鄉貢士爲郎官考吏部科目選三開

幕府中丞相外凡取六十餘人上至將相次布臺閣皆當

時名士每暇日讌語寮吏必言古人修身行事旁誘曲指
微警教之不以已所長人所不及裁量高下以生重輕後
進歸之承望聲先行一言許可必自矜重夫人辛氏以公
封張液郡贈僕射祕之長女士林稱爲婦師凡二十年前
公八年歿五男六女長曰蔚監察御史次曰叢浙東諸本並作
南府協律郎皆以文行登進士第不籍公勢次曰奉倩河
南府洛陽尉二人皆稚齒長女嫁戶部郎中上黨苗愔次
女嫁河中節度使檢校郎中范陽張洙次女嫁河南府集
賢校理常山張希復次女嫁前進士鄧淑次女朱笄一人
始數歲以某年月日塋少陵南某鄉某里銘曰

道既訛衰必有以扶殿公之生以隆其汚二本幽以燭明
以雨濡以教其徒以佐天子城絕霸陵如有樞柅標擢

文粹峙倚魏乎二紀臣宗德老鉅傑魁鼎孰爲忌畏諧去

南海不校不辨旌文粹復顯大百行渾圓隣於及年以歸

其全

東川節度使檢校右僕射兼御史大夫贈司徒周

公墓誌銘

前人

周平王次子烈封汝墳侯秦以汝墳爲汝南郡侯之孫因
家焉遂姓周氏自烈十八世至西漢周仁繼烈封侯其後
逃西晉亂南去黃岡靈起仕梁爲桂州刺史生冕在陳爲
車騎將軍灵生法明年十二月命巴州刺史陳滅臣隋爲
趙之真定令隋亂歸黃岡起兵取蘄安沔黃武德中籍四

州地請命授總管蘄安十六州軍事光祿大夫封國於道
太宗命虞世南銘書墓碑相國為六代孫曾祖暉汝州梁
縣令祖沛左拾遺王一作皇考題右驍衛兵曹參軍贈禮部
侍郎公少孤奉養母夫人以孝聞舉進士登第始試秘書
正字湖南團練巡官母夫人亡哭泣無時里人過公盧曰
無驚周孝子後自留守府監察真拜御史集賢殿學士李
公宗閔以宰相鎮漢中辟公為殿中侍御史行軍司馬後
一年復以殿中書職徵歸時太和末注訓用事夏六月始
遂丞相宗閔立朋黨語鈎挂名人凡百日逐朝士三十三
輩天下悼懾以目受意附兇者屢以公為言注訓曰如去
周殿中恐人益驚竟不敢意注訓取公為起居舍人文宗

注訓取公為起居舍人文宗

數十顧遷公員外郎帝曰周某不可不見宜兼前官數月
以考功掌言事帝曰就試翰林公辭讓堅懇帝正色以手
三麾之遂兼學士遷職方郎中中書舍人政事細大必彼
顧問公終身不言事故不傳武宗即位以疾辭出為工部
侍郎華州刺史八禁軍二十四內司居華下諸集作藉沒
等百姓不敢妄出一詞李太尉德裕伺公纖失四年不得
知愈洽不可蓋抑遷公江西觀察使兼御史大夫公既得
入州施展教令申明約束發屢守陳奔賊坐弁以法死吏
手膠拳窮御遠井如公在旁縛出洞寇劉太朴徒數百人
斷發根脉無有遺失彭蠡東口戍五百人上下千里無一

賊跡遷禮部尚書鄭滑節度使老將某項領不如教約公
鞭背降為下卒聲北入魏皆曰周尚書文儒能治百姓仁
愛兵士而復敢爾是豈可一作集作十字犯九一作碁歲入拜兵部

侍郎節度支兼戶部東集作吏曹事積邊糧谷九十萬石今

天子即位二年五月以本官平章事後一月王位中書侍

郎監脩國史就加刑部尚書因河湟事議不合旨以檢校

刑部尚書出為劍南東川節度使明日入謝面加檢校右

僕射公自舉進士第非其人不交集無十字言旁睨後進鏘

心鏤志及為將相進取遠挽悉置于位李太尉德裕會昌

中以恩撰元和朝實錄四十篇益美其父吉甫為相事公

上言曰人君猶不改一作史人臣可改乎元和實錄皆實

家所不知者而書之此若垂後誰信史竟廢新本并帥王

宰劉所部財貨承事貴倖自請來朝聲言我取平章事鎮

大梁公上言曰宰破大原取汴州不知天下治所凡幾得

如太原汴之大者可飽宰欲乞宰還鎮自補其殘後二日

還宰詔下駙馬都尉常讓求為京兆尹公言曰尹坐堂上

階下拜二赤縣令屬官將白人悉可答辱非有德者京兆

不可為豈止取吏事讓議竟寢自此非道求進者鼠遁自

屏及鎮東蜀一歲欲歸閑洛師微得風恙公曰我今去是

以疾去疾愈去非晚大中五年歲在丁未二月十七日薨

于位享年五十九計至廢朝三日冊贈司徒命諫議大夫

慮懿弔恤其家公信於朋友公於為官事親出去告還而
家事不敢自專同曾祖兄弟入門呵咎奴婢衣服飲食無
二等免相位西去送公還者雖武將散秩嘆惜咨嗟曰周
相公無私我惜其去六字一作存曰無戎惜私其去豈有私乎夫人義興
蔣氏先公某年終生二男一女長曰寬饒崇文校書次曰
咸喜京兆參軍皆孝謹有文學女嫁起居舍人薛蒙大中
六年歲次壬申二月十二日歸塋先塋河南府河南縣穀
陽鄉立行里銘曰姬之支封國自為姓以周為氏入唐不
盛烈後幾世厥生賢孫當唐中興為唐相臣文思天子誇
古為治提起王道以公為倚遠剛蹊巢竅出者鳥駛誰塞
維勞分碎皆三屏大邦峻此武事甫撫維養集作父母

唐而後公死不錫壽考誰其辨之

此篇元在九百三十九卷職官問今移于此

文苑英華卷第九百三十八

文苑英華卷第九百三十八

職官一

安南副都護畢公墓誌一首

福建觀察使鄭叔則墓誌一首

陝虢觀察使盧岳墓誌一首

安南都護張公墓誌一首

嶺南節度使徐申墓誌一首

宣州觀察使常溫墓誌一首

安南副使都護畢公墓誌一首 張九齡

公諱某字某東平人四世祖義雲北齊度支郎中青州刺

史魯祖琰真觀初并州白馬府右果毅都尉 集作右 左衛郎

將祖父蒲州河東令坐事左轉桂州歸義縣丞因家于始

安集作寧父誠舉孝廉高尚不仕公即孝廉府君之子稟靈

純茂姿性開朗亦既志學休有令聞雖在諸生之中已有

萬人之望矣夫忠有世善有元仁於其親友于兄弟豈尚

行所致其因心而然公之植身根萌素厚操本制未何適

非宜故為政之方所從來遠矣某年初有御史將命黜陟

幽明公時盤桓居貞未有攸徃而使者承式固才是求褐

衣見召直繩斯委乃表公授梧州錄事叅軍非其好也先

是剽劫在境行李所病綱佐無機逋盜肅然歲蒲換廣州

滇陽令事必簡舉人用安集作便莫不咨嗟未始見也尋

州司馬其政如物秩蒲丁母集作憂公有至此幾於

僕廣州都督兼御史大夫蕭璿彼孝悌之士也以錫類之

故有嘉德音於是版一作補按察判官義行相成終始如

一尤加欽重持以表文勅授新州刺史屬恩州酋帥日尋

干戈將有式遏寔資明允後按察使廣平郡公宋璟以公

為五府總管以甲卒戍焉雖臨之集無之以兵威而開之

以恩信俾忿驚狼戾化梟為人廣平公深以為能奏假恩

州刺史俄又真受夷落大寧尋加朝散大夫遷端州刺史

居必致理莫匪嘉績并護之寄朝選以歸於是加秩中散

大夫拜安南副都護致官未幾間忽遷殂時年六十某年

月日庚子歸塋於某山之原公內行無玷外物不干文非

務華學皆爲已所蒞數郡遺愛在人全已而歸可謂厚矣
有子曰某銜恤終天愴哀遠日永惟稱代存乎幽篆銘曰
荷敷畢侯濬源長流愛民于畢爰自有周彼美世載實惟
孫謀賢哲繼軌斯其遠猶嗟彼懿宗是生孝友和實內積
行非外誘家邦必聞人倫歸厚微此令德夫豈善守亦旣
從政厥問載榮邑能訟息郡用禮成蠻夷慕教鴟梟變聲
九真副領萬里楊旌護彼絕域義志險艱提律未改再旒
而還存歿之際忠孝之間徽音無泯篆德茲山

福建觀察使鄭公墓誌銘

穆員

唐貞元八年四月十六日福建團練觀察使福州刺史兼

御史大夫鄭公薨于位明年孟夏己酉朔歸塋于東都

之南原龜吉筮吉即于人謀且曰前望先君俾公之

體魄列侍于後與茲山父還顧洛邑俾爾子孫盈如市朝

空沒於斯公諱叔則字某滎陽人自元魏中書令周小司

空金卿文公穆凡五葉至皇朝遂州刺史老萊代以婚姻

德義俱爲家法相授公則遂州之冢子也未冠以明經擢

第凡五命至御史府又再遷歷尚書省以屯田員外郎介

吏部侍郎李卿觀風之命議者韙之李公出納稱職且多

貢巖藪幽滯充于玉庭繫公是賴轉庫部相國王縉受居

東之寄又資公以畫拜檢校吏部員外郎使罷而真凡吏

部分天下之疑折無文之中王曰廢置清九流之路坦多
士之門曰南曹公酌其會通流守以貞固七考二職日新

厥聞于繼母艱免服拜刑部郎中皇上即位思與四方萬
姓垂家至而日見之制臨遣八使必朝之良公為首冠清
選分命于西江閩越之地所至蠲疾所去遺利並命者取
而法焉兩河不開命帥梁汴所求卻穀之比為其中軍授
檢校祕書少監兼御史中丞克平軍節度副使之官拜御
史中丞廉問東夏俄領東都留守兼河南尹就加戶部侍
郎仍再位副相之寵持憲以清明律下牧人以禮讓和俗
保釐以威重懷遠寇不敢犯吏不忍欺扶危以安制動以
靜罷鎮歸省轉尚書左丞未幾兼御史大夫撫淮夷反側
之俗凶牡蒞止萬人革心如風之清如雨之滌復命遷太

常御國有大事主辦多義加銀青光祿大夫轉京兆尹

港臨事不得前怨咨之聲雷動天聽旋以非罪拜信州刺

史居數月又有四嶽十二牧之換方以和風清德移蠻窟

之風何斯人之幸與上天之祐較彼炎瘴而不勝焉夫人

范陽盧氏著作郎侑之女也望中北州德成公家不幸早

世事具前誌生一子曰約河南府洛陽縣主簿後夫人范

陽郡夫人盧氏華宗美行與前人如一加繁祉餘慶續公

之榮生二男一女納前弘文生紳右千牛衛備身女未笄

是日約前巳日奉范陽夫人命舉前夫人柩會公之喪禮

也公之為德也温純深潤高厚博達文以禮樂本於中和

犯不違仁愠不傷善滔然如川澤無不容之者及其秉操

厲俗好是正直不畏非畏不疑可疑酷惡春秋之左一作
巫疾陰陽之拘忌嶷然如斷山絕巘不可以邪徑造乎鳴
呼使公之得志也天下之人非法言不言非大道不蹈此
可以為天子大臣未絕遑數其餘哉是以壽七十有一歷
官二十有八政朝仰故事人懷遺德門列朱戟家垂清風
而遊公藩者猶以不期願為嘆問神明焉約等以為哀報
揚名莫如紀述謂員昔備吏未嘗司斯文將期飾終何敢
廢職銘曰

嗟哉公居此室荷夫人會琴瑟萬安南山瑞氣浮洛陽北
闕家聲流屢千祀今日悠悠

陝隴觀察使盧公墓誌銘

前人

長史兼御史中丞范陽盧公壽六十中疾于位優詔得謝
家東都履信里秋七月甲戌終于其寢冬十月乙酉歸于
此堂禮也萬安之腹因山而封嵩丘伊流還帶捧抱龜筮
叶吉神宅是宜府君諱岳字周翰其先齊太公之後公子
高奚食菜於盧因以命氏及自東漢中郎植乃元魏秘書
監陽烏第四子都官尚書道虔凡十葉代代得祿其兄子
思道所著家譜詳之道虔生齊左四子昌衡昌衡生隋澤
州內部長寶素寶素生皇朝綿州長史安壽安壽生汝州
司馬正紀正紀生絳州聞喜令杭惟是婚姻其類為義方
相襲禮樂冠蓋侔其盛焉府君聞喜之第二子也發地之

祥鍾天之和處爲孝而友悌從之出爲忠而貞諒從之施
於事物爲聰明純粹而寵位從之天寶末擢明經調宋州
襄邑主簿歷婺州夔州二錄事參軍以大理評事兼監察
御史始佐湖南觀察之政前帥常之晉倚之以清後帥卒
京杲籍之以立旣真拜又稍遷殿中侍御史京杲入覲咨
以留府時有驕將數人京杲實父子兄弟之其蹈罪姦令
率以爲順府君告之以刑辟明之以無赦而郡帥如故乃
盡戮之由是軍政理而庶政舉初朝廷之任京杲也以恩
舊用不責之以龔黃之績至是還之不可易之不能留之
京師以盡府君之美若是者五載累錫銀印朱紱金章紫
綬加侍御史建中初今上嗣位有自屬部論官入爲相者
言公才膺方鎮受容府經略招討等使就加御史中丞南
越獮俗并稅之入鮮具其布帛之幅通流之貨悉異中土
府君以羨利利之王制制之又每歲有西原之警府君布
政群盜爲人元年季春賊入貞元三年未朝拜少府監上
以陝郊之守藩垣二京冠冕諸夏非沃心之臣勿授前此
元臣授之是爲郡伯今相國李公自中書侍郎徵拜思嗣其事重難其選
府君於是乎有由衷之拜惟事小不敢不戒大不敢不懲
日巖祗恪惟新厥舊由是軍服其嚴明而報之以蕭吏從
其簡易而報之以理惜乎其自下車及溝瀆不十月焉嗚
呼有其才無其時之嘆不甚於有其時而無其命今之方
鎮蓋唐虞四嶽十二牧之職而周漢肱股爪牙之任府君

承堯之咨庸舜之俞累分共理之憂方咨薄伐之効凌風
拂翼徘徊於冥冥之間何天奪上心而命孤人望是可以
為嘆歟府君前娶隴西李氏實姬姜之偶先春早落今也
力不及遠未遑合祔繼室以同宗同德而年位異之三子
載戢戢一作晉長齒未童幼哀及禮洎兄子嘉猶稟伯父求
州司馬嶠之命泣血襄事見託於銘詞曰世重五姓冠于
百族倬彼山川來宗嶽瀆帝慈蒸黎命分司牧慎選良臣
俾之戡穀荷歟府君受天之祿未見其止如何不淑丘隴
何所郊原重復瑞氣嘉祥於是乎育前川為陵北地為谷
世系德代於是乎獨

金紫光祿大夫檢校禮部尚持節度都督廣州

軍事兼廣州刺史御史大夫充嶺南節度度支營

田觀察處置本管經畧等使東海郡開國公贈太

子少保徐公墓誌銘

權德輿

公諱申字維降東海鄒人五代祖周宣州刺史瓌瓌生隋
江州司馬宴宴生吉州太和丞仁澈仁澈生皇吏部郎中
諫議大夫玄之玄之生公烈考汾州司戶叅軍贈信州刺
史用仁義世其家諫議之文行信州之廉退及公始大求
秦初嘗一作秦俸賈常侍至操柄儀曹搢士林之菁華舉進
士上第調補秘書正字四征翹車相屬於途望公舉趾以
為重九江而西服嶺而南與朔塞被邊之地聯為命介歷
大理誣事司直監察御史太子司議郎殿中侍御史錫以

章綬冀國路公之誅哥舒晁也公以從事主謀居多嗣曹王之守鍾陵而誅李希烈也公以長史行刺史調州師以護饗道厥勞茂焉江漢既清拜韶州刺史先是長史不任職官曹弛廢刺史寓於理下邑之令亟與編人雜處比屋逋亡公田爲蕪公乃假之耕牛賦與種食人人自占視其力而爲之制歲乃善熟積爲倉箱於是計徒庸程日力作爲城寺大治垣屋廡置市列道橋器用皆備焉罷去之日夫家名數倍差於始至而不書于籍邑子張棣等五百人獻其理狀得請於觀察府以函奏書請立碑詞公翟然止之曰此刺史職且一旦上聞與沾伐者何異所不忍爲也府不能奪改合州刺史以先濮陽郡太夫人兆域未附表求以塋總麻旣除以御史中丞領景州刺史自兵興四十年山東諸侯率強大驕蹇郡二千石多自命於轅門蓋縣官息人含垢而因緣漸漬然也至是朝廷以滄州負海勁兵攸處乃建節將幕庭裂屬城以置支郡會其帥亦請缺守於朝朝論難之二府比推擇未稱因召公入見而面命焉錫命服文馬緡錢五百集作十萬尋加節度副使中朝之條職慮令始被于景人是歲節度使來朝既從父兄爲代表公以本官爲軍司馬陳情去職徵還京師復以御史中丞出蒞邕州領經畧之任開南蠻徼道宣明威信種人黃氏納質請命化條風行獷俗以清明年中貴人持兵符詔書至部以御史大夫督南海二十一州軍事而節制焉前

此守臣物故軍吏乘變竊發印符易置部校拔用惡少年
百輩軍中幾亂相率亡命公既至捕誅首惡悉原諸誅誤
者夷越負險阻白晝攻剽交夷根株使無遺類然後布以
寬大人安作業溟漲之外巨商萬艦通犀南金充物狎至
天子之恩澤賜予聲明物采皆待焉上應急宣以馳疾傳
下無強賈用絕姦利和輯招徠外區懷之則四封之內其
理可知也朝典疇庸進階至銀青光祿大夫時庸蜀未靖
公密疏請發卒徒五千循伏波故道抵岷峨以會師期誅
不恪詔可其奏就加禮部尚書秩正三品疏封東海命書
未及至奄捐館舍遂以太子少保印授弔祠稱焉是歲改
元元和公之生七十年矣嗚呼以文發身以智經物惠和
且溫思恪廉清佐賢候長轂皆有理效在韶也興事功在
景也脩班制朗寧察風俗南海整師律以八命佐六官攸
好德考終命其蹈履之全乎夫人渤海高氏早歿繼夫人
扶風郡夫人竇氏柔明有賢行嗣子右衛倉曹元弼似續
文敏號咷毀慕以某月日寧紳于東都偃師縣之某原乃
刻堅石以傳永久銘曰
噫徐公有質有文有義有仁名聲章明邁群倫兮噫徐公
不伎不求不縉不磷贊佐四征暢嘉聞兮公之牧人于韶
于景于邕于廣朱幡照路利攸徃兮公之愛人以清以靜
以惠以養流庸集附如景響兮如何不傭奄忽鞠凶著龜
之同天地之中吁嗟乎徐公

中散大夫檢校國子祭酒兼安南都護御史中丞
克安南本管經畧招討處置等使上柱國武城縣
開國男食邑三百戶張公墓誌銘 柳宗元

漢光中與馬援雄絕域之志晉武一統陶璜布殊俗之恩
理隨德成功與時並今皇帝載新景命丕冒海隅時惟長
公祗復厥績交趾之理繼蜀本作續于前人公諱某字某某郡

人也曾祖彥師朝散大夫尚書駕部郎中祖瑾懷州武德
縣令考清朝議郎試大理寺丞贈右贊善大夫咸有懿美
積為餘慶公以忠肅循其中以文術昭于外推經旨以飭
吏事本法理以平人心始命蘄州蘄春主簿勾會敏給厥

聲顯揚仍以左領軍衛兵曹為安南經畧巡官申固扞衛

加檢校尚書禮部員外郎換山南東節度判官復轉郎中

為安南副都護賜金紫魚袋充經畧副使遷檢校太子右

庶子兼安南都護御史中丞充本管經畧招討處置等使

公自為吏習於海邦凡其比較勤勞利澤長久去之則夷

獠稱亂復至而冠攘順化及受命再任集作專得陳嘉譽誓

拔禍本約集作納於夷執乃命一其貢奉平其歛施收人盡

區處之方制國備刑體之法道阻而通百貨地偏而具五

人儲峙委積師旅無瘼癸之呼繕完板幹控帶兼戊巳之

位文單環王怙力背義公於是陸聯長轂海合艤艦兩集

再舉而克殄其徒廓地數圻以歸于我理烏蠻首集作帥

負險茂德公於是外申皇威旁達明信一動而悉朝其長

取州三集作二十以被於華風易皮卉以冠帶化姦宄為誠

敬皆用周禮率由漢儀公患浮海之役可濟可覆而無所

恃乃剗連鳥以闢坦途鬼工來并人力罕用沃日之大東

成通溝摩霄之阻一作折非為高崖而終古蒙利公患疆場

之制一彼一此而不可常乃復銅柱為正制鼓鑄既施積

集作精堅是立固圉之下若白黑易野之守險逾丘陵而萬

世無虞竒琛良貨溢於王府殊俗異類盈于藁街優詔累

旌其忠能集作良史嗣書其功烈就加國子祭酒封

武城男食邑三百戶凡再策勳至上柱國三增秩至中散

大夫其年月薨于位年若干天子震悼傷辭有加明年

令某卜宅于澤集作州某月某日人謀皆從龜兆襲吉乃

刻茲石著公之閔以至集作志于丘窳以告于幽明銘曰周

限荆衡泰開百粵交州之治炎劉是設德大來服道消自

絕伏波南征漢威載烈宛陵北府集作附是晉政爰發我唐流

澤光于有截皇帝中興武城授鉞肅肅武城惟夫之哲更

歷毗贊顯揚彰徹既受休命秉茲峻節度其謀猷守以廉

潔厚農薄征匪貊匪桀通商物平集作平有來胥悅踐山跨

海堅其鶴列制噐足兵清茲蟻結烏蠻屈服文單剪滅柔

遠開疆會朝天闕銅柱乃復環山以哲一作折海無遺逆寇

罔踰越琛賚之獻周于窮髮帝嘉成德載旌茂闕增秩策

勳土封斯裂位厄元侯年虧大耄邦人號呼夷裔悽咽卜
塋長沙連岡啓元書銘薦辭德音罔缺

宣州觀察使御史大夫韋公墓誌銘 杜牧

韋公會昌五年五月頭始生瘡召子婿張復魯曰三雅女
得良婿死以是託墓宜以池州刺史杜牧爲誌復魯曰公
去歲兩瘡生頭今始一尚微何言之深公曰吾年二十九
官授祕二字作校書郎時嘗夢涉滙水旣流中有二人若舉符
召我者其一人曰墳墓至大萬日始成今未也今萬日矣
天也告我我其可逃乎謝醫不問以其月十四日年五十
八薨于位公從父弟某盡公功行以公命來命牧牧位哭
序且銘之公諱溫字弘育韋氏自殷周秦漢仁明馬遷班

南書其人以光其所爲書至後周逍遙公爰出世家

富貴集作富貴中隱身行道當其時及後代論者以蜀嚴谷口

不能爲比逍遙公五世生潞州上黨尉贈諫議大夫希元
上黨生吏部侍郎贈大尉肇吏部生右補闕翰林學士右
散騎常侍致仕贈司空綏常侍生公於逍遙公爲九代孫
年十一以明經取第爲太常寺奉禮部祕書省校書郎選
判入等咸陽尉監察御史公三遷奉養所宜耶上疏
乞免改著作佐郎嘗元中帝侍公事德宗爲翰林學士
帝深於文學明察人公致仕官屏居西集作郊
畏病心帝曰某之心公一經心手積二十餘年

丁常侍喪自毀不欲仕

皆虛上職書卑辭至朝

察御史遷左補闕事文宗

撰號上獻公獨再疏曰今

積五尺老幼集作雅多餓死

遂訖十五年不答尊號事

郎當太和九年文宗思拔

亦悚天下故公自考功不數

士遂欲相之公立銀臺外

先常侍遺誠子孫不令任

閣下公復堅讓不半歲轉

請教於先是宜避耶公不

武節度使王晏平罷靈武

罪成貶康州司戶不旬日

璋以樂官授光州長史晏

公皆封詔書上還上比論

璋免長史莊恪太子得罪

內殿悉疏莊恪過惡欲立

首唯公獨進日陛下唯一

乎上意稍平不數日遷尚

函請丞相願為治人官出

陝州防禦觀察集無此二字使兼

職官三

右庶子元府君懷景墓誌一首

太僕卿王府君墓誌一首

太子少傅李嵩墓誌一首

太子舍人王無競墓誌一首

太子少師崔景暉墓誌一首

右集作左

庶子贈州都督元府君墓誌銘

張詭

維開元十年正月己未右庶子武陵公河南元公薨於東

京留守之內館公諱懷景

集作懷

字某魏武陵王雄之曾孫

右衛大將軍胃之孫贈

集作

州刺史仁惠之季子昔天

啓水行君臨寰海雄圖本技碩茂濟美象賢流慶不

滅集作餘公受茲介社稷慶不殞幼有純至之節長立公

直之操學綜群藝詞擅精微夫其結言以信導物以德清

儉足以軌俗貞厲足以矯邪故美暢於中名揚於外弱齡

集作以國子進士高第補相王府典籤潘邱擇賢妙盡時

選尋以內憂去職重補相王府參軍及明兩升儲作貞萬

國以宮臣除太子通事舍人後歷官至右司員外太子舍

人此無此天授中以親累除名向逾一紀後除直羅溫縣

二令雖大位未亨通林必大集作初自太府主簿累入副

卿河南掾曹克升亞尹握蘭右轄綱紀南宮秉茲憲簡肅

以專席再侍儲華卒踐宮相公執心好直履法斷恩觸雷

而除惡不避也枉絲髮而干譽不為也升降兩宮出入

三代克慎其始終厥有成君子以為難允哉其難矣及於

手歸全遺言薄塋家無長物士伏其清年過懸輿人傷其

天嗚呼哀哉制贈都督幽州諸軍事幽州刺史賻悼之節

優於恒數明年二月歸塋于咸陽之舊塋夫人常氏祔焉

禮也夫人即逍遙公敬遠之玄孫左常侍希仲之叔姊集

婦淑行無徵華年早世其孤彥冲等克遵遺訓靡所寘哀

說情睦外姻懷深國士既闕西階之奠遠投東武之詞銘

曰卓彼英運慶靈既長貽訓夫子體微知章在藝斯博於

欲則少徒文其中莫飭其表惟靜惟默不激不矯時經三

代官成兩宮化若風偃德如澤融邦稱其直朝表其忠禮

祔周兆墳瞻漢宮哀哀純孝長訴昊穹

太僕卿上柱國華容縣男王府君墓誌 張九齡

公諱某字某卿邠臨沂人蓋王氏所由遠矣然其自漢至今上下千載海沂為頌始壯厥猷淮水作禎克昌其後繼跡台衮聯華牧伯君子躋其立言史官襄其行事則已世無違德人以嘉聞圖牒粲然宜為冠族乃祖某梁侍中尚書左右僕射安東亭侯高祖某陳度支尚書曾祖太子中書舍人祖某皇朝吏部郎贈潤州刺史父某官至洪州都督公踐脩軌集作業雅有名器性開敏而達於從事才果範而長於御下至於學以知古義以隨時虛已存誠離經入道異焉而不傷於物同焉而不害於正咸自得之務其

大者儀鳳中初以門子選為孝敬皇帝挽郎解州相王府參軍換豫王府參軍歷太子通事舍人蒲州司法參軍丁洪州府君憂去職喪與於戚行過於禮時其在夜哀能感鄰服闕授相州鄴縣令施於政也揮干鏌之鋒截無不斲展駢驅之足行無不至以故言出有孚豈止於百里教行無類俄浹於四封邑人是宜輿頌乃作御史中丞張仁愿表公尤異帝用嘉焉遷洛州睦渾縣令加朝散大夫寵其能也再有仲由之善益聞考父之恭薄理我畿有加於鄴識者觀政許其以後圖時輩推賢多驗之於晚節稍遷蒲州司馬洛州長吏蒲州長史三為郡佐一以貫之執心有恒厥聲有茂雖巴祗之體素履和之理識異代同官齊名

此義固無愧也俄遷隨州刺史趙簡始大列於諸侯張敞

有名擢為刺史賢明獨斷政教弘宣始為集作子漢東之美

繼以巴中之異郡歷數四課常第一再遷集作領遂綿二州

刺史先是俗苦刈集作多便弊人盡流庸公亦來思撫之如子

彼得攸暨歸之如市行有餘力用不盡才驟遷大都督乃

拜相州刺史先是景雲歲我唐雖舊儀制惟新置連帥之

官贈監督之秩於是歷選列辟專謀用賢且有後命而公

為稱首遂作越州都督同京官正三品連率統察杭婺衢

睦温括集作撫非台閩八州長史集作吏已上率由部案事雖竟

寢議者終榮仍守越州都督加銀青光祿大夫公素有行

集作兼之寵數聞望而集作風必懼至集作通而逢集作自直集作

之行焉有若神者徵拜雍州司馬頃之又正名為京兆少

尹京兆者本公之樂七君已重世買臣還却無矜於出綬

張既本州是榮於衣繡公雖作貳我亦為光開元二年始

封華容縣男昭有德也其明年有制以公檢校太僕卿訓

以六駟正于君疑僕日加數馬之慎歲有展軫之勤無何

即真可謂貴矣然公恩報所受逾勵所行神明未衰志業

不究春秋六十有一開元六年秋八月乙亥寢疾薨於洛

陽之陶化里第嗚呼哀哉朝廷傷焉賻贈以禮夫人范陽

盧氏不享偕老先時在殯其年冬十二月乙酉合塋于僊

師之某原却倚首陽前瞻洛河豈伊穀丘之樂並取邢山

之兆有子曰吳次曰旻泣血苦塊哀纏於遠日勒銘金石
義協於當時假以斯文爲之寶錄其詞曰有周之裔居海
之沂緒業惟來德音罔遠貽厥謀翼俾其翰飛宜哉世祀
亦曰家肥其一消我華容而今濟美四科冉季九能曾集作魯非
史學匪爲人義如在已施於有政轡之柔矣其二雉馴宰邑
鷹揚佐郡五爲刺史在邦必訓再踐太僕厥庸迺奮今也
則亡天不可問其三神欺末年禮先遠日合如防墓開比滕
室鶴弔人悲龜言地吉篆石泉戶與山相畢其四

太子少傅李公墓誌銘

孫遜

唐之宗盟有若武都公者諱禹涼武昭王亦名禹字某大

原景皇之穆也淮安靖王之胤也天寶間方追崇姓族本系存乎帝籍生

之子曰號州刺史諱某號州之子曰鄭州生公世載明德
實維邦翰昔我高祖之造區夏也則淮安王擐甲胄誅暴
強以佐經綸之業洎我皇帝之垂衣裳也則武公都秉衡
石傳儲貳以弘邕熙之化允武允文同心同德本枝百世
不亦宜哉公應大賢之期含正氣之秀弱而孤貌克自激
揚六射五書包禮樂之群藝九流三變探古今之至蹟生
八年而當天授革命之事宗室懼禍至乃不全艱貞保身
以免於難久視之後密網少寬公以太夫人在堂無底祿
之養願辱身以報德豈養高而循名解褐授荊州枝江縣
丞維此之女也薦賈尚幼薛宣有能深爲州牧張漢陽所
器重嘗謂所親曰唐宗一日二字一作室千里吾見其人國未

可量也神龍興復拜通事舍人其後歷尚書工部司勳員
外屯田郎中太僕衛尉太常三少卿汝汴二州刺史兵部
黃門二侍郎太原尹太常卿工部尚書東都留守兵部吏
部尚書太子少傅自枝江至于少傅凡十有九遷人臣寵
秩備更之矣先是國朝舊制不以宗親任權開元以來內
舉無避唯善所親擢拜右職公爲首也公體正心直色莊
言麗明而可畏寬而能服故所蒞之職必姦邪衰止禮義
興行國人宜之有由然也曩膺列宿迨亞象河當官而行
旣立名跡及夫典汝墳之國爲夏卿之貳天下歸最朝廷
讓能寵光大來公望首出矣黃門君之樞也公執事舉直
以替其否太原邦之扞也公滅私寬賦克壯其猷六官之
樞也爲人樞三命益公遂掌邦理綜覈流品終始七年凡

所作法皆成故事其賞能拔異真彼周行者可勝旣乎上
難其人公是以久而深煩職事累請歸闕留侯有疾猶傳
太子尼父不憖終萎哲人以開元二十八年五月十日薨
于位春秋五十有八壽不配德皇慈震悼追贈益州大都
督親親尊賢焉禮也其年十二月七日塋於河南縣九嶺
山之南原惟公以文學政事之才瞻祗庸孝友之德揚親
有立身之顯何止能養執喪有過人之戚匪惟率禮公兄
曰昇弟曰暈兄愛弟敬夫和婁柔閨門之間內外以正均
養猶子不殊所生豈引而進之乃因心則至公爲居守也
暈寢疾私第沉痾彌年公損膳絕葷消形瘁色及病革之

際冒禁而歸終以爲職守管籥不敢久留次長號撫視兩
泣還臺至健傷人酸感行路昇之喪公也哀亦如之死喪
孔懷其在是矣所謂會閔王生九宗之地邢茅爲萬石之
門蓋本乎國風而爲世範者嗣子造等八人無改於道聿
脩厥德未爲罔極靡所寘懷以逖嘗忝使臣之戒且爲冢
卿屬父承話言猥託銘誌文仲事君之教何曰一作敦忘
鮑叔知我之恩曷其能報徒竭心於所事終有恨於斯文
其詞曰高陽之族才子克生禮樂爲憲親賢是程六宮尤
重祈父天卿二柄皆執理均政平汲豈多病留侯強起尚
傳重明俄驚閔水泣盡遺愛感深知也銘德下泉庶通神
理

太子舍人王公墓誌銘

前人

公諱無競字仲烈其先瑯琊人也因官遂居東萊自宋太
尉弘至棣州司馬偁十一世世濟其美不隕其名公即棣
州府君之次子也克廣前烈於昭令聞翩翩海瀕焜燿京
國夫又用三德正直居首子有四教文行爲先公蔚其文
高其行據於直歸而正生而知之實稟其性弱冠以應制
擢第解褐授趙州樂城縣尉歷麟臺正字轉右衛倉曹洛
陽縣尉監察御史殿中侍御史太子舍人神人初坐以嘗
詆權幸貶於嶺外終於廣州春秋五十四工文則學必從
之故登麟臺侍龍樓也好直則威必濟之故吏京邑秉天
憲也行高則衆必庇之故陷非罪謫殊方也噫良工能爲

順君子能為道而不能為容士師黜宣尼困屈原逐賈生
憤公其近之矣初天冊中公與故人魏州牧獨孤莊書忿
林胡之徇狂哀冀方之阢隍誠以軍志示之死所客有薦
其書者則天見而異之有制召見驟膺寵渥相如之賦感
人主未云速也廼者恩澤侯張昌宗位極太官寵震群后
公著書東觀與之聯事曾是貽籍未嘗暱就色莊見憚象
恭益深長孺之抗禮將軍曷足議也公嘗執簡中禁司察
位班時三事大矣有族談錯立者公進而言曰朝有著定
所以道威儀邦之具瞻所以昭軌物不遵不恭不敬不從
其可是耶則肅然就列次矣公之舉劾大臣庸可異也嗚
呼人各有能且猶不若公則具舉其誰與京公生於齊長
於魏不忘吾黨常揮玉風嗣子某處士遠日奉成先志以
開元十六年某月某日徙殯於館陶歸塋於東萊之舊塋
書順也夫夫范陽盧氏祔焉從周也窀穸之事可無記乎
詞曰

萬靈秀百夫特萬卷精多才克詩可興筆餘力人之望邦
之直何不仁俾大棘危炎厲哀明德卜佳城于舊國銘景
行未無極

太子少師崔公墓誌銘

李華

聖唐祖宗重光丕變萬國玄宗肅宗今上三后繼明格于
上下其輔弼之臣曰趙公奉先少師之訓有大功於王室
少師諱璟字某清河東武城人也惟成於姜水氏曰有

呂德莫厚乎粒蒸人大庭之列也勲莫盛乎除暴虎尚父之明也讓莫大乎推社稷季子之高也丁公之元子曰季克讓乞歸老於崔氏宜乎其盛也八代祖元孫宋度支郎中以忠順烈見危致命夫人携二子亮敬默依夫人之黨挺志羈孤之中安親危窘之際亮即公七代祖也八爲尚書一爲僕射孫肇官至中書侍郎元子北齊安州惣管府掾諱道淹公之曾祖也生萬年主簿臨洺令諱方騫公之大父也生武功主簿贈吏部尚書諱貞固公之考也即中珣王侍僕射利主公中書之名望安州之道德臨洺之愛人武功之體道荀淑以盛德及子陳寔以素風及孫誠哉吾聞其語矣今見其人也公孫抱太夫人終童幼武功禮君逝根於至性毀過乎哀鄉黨憐之皆曰純孝旣除喪外從禮訓內積憂慕啜菽飲水厲志讀書誦無遺文釋無遁義皆一覽也年十七與親兄暎同舉明經調補梁州南鄭尉轉蜀州晉原尉前後使臣表公第一遷大理評事親累貶利州葭萌丞歷梓州鹽亭丞樂天知命貞獨自晦君子哉改晉州司法叅軍政尤一道刺史按察使皆以上聞克河東支使畢尚書構爲連帥也假公判官仁者悅不仁者惧構厲終於官舍春秋四十權厝於山邛玄元廟西北原識與不識罔不相弔時人之安放後人之不幸榮陽夫人鄭氏皇朝兵部郎中衛州長史玄昇之女吏部侍郎平章事惜之姝終京兆崇賢里權殯於長安東南杜陵原夫人

輔佩紛燧

禮記內則婦事舅姑佩紛煖金燧

以寧顏色澄幕酒以奉蒸嘗

輔佐君子黔婁之室也撫導賢胤孟軻之母也內訓傾嚮

婦儀無師嗚呼哀哉大曆四年龜筮從吉嗣子圓尚書右

僕射趙國公哀奉先少師夫人之裳惟合祔於河南北邙

山某原禮也趙公初為益州刺史屬逆羯內向天下兵起

至尊出長安避狄未有岐下之都因奉表上迎保寧聖德

遷為中書令翼大明復天下肅宗申養玄宗申慈趙公之

宣力也事今上鎮揚州為吏部尚書左僕射崔氏之門公

盡善哉洪河在北清洛在南二室之下邙原高起是地也

是宜君子幽宅寧於斯永保子孫昌於斯其文曰翼翼孝

嗣銜哀不言祇感永斯常試討論齊魯霸國鄭甸姬姜

慶後昆在昔貞烈爰有魏嶼播遷建都公將南轅

舟人便開漕利源宜有令胤中書丞振安州榮道臨治體

順尚書葆光公以德鎮旣輸典刑亦清維晉天不我遺時

將疇師夫人之德柔善有則鼓鍾于宮聞于四國從夫訓

子天下是式不及劬勞趙公罔極克誕趙公蓼莪孝思奉

若先訓其貴如斯今日之祿先人之慈保寧幽宅天地無

期此是宰相崔圖之父贈太子少師元誤入宰相門今移於此

此下六卷英華所繪
 失作者先後今正之
 姚祕監子彥墓誌一首
 嚴庶子損之墓誌一首
 獨孤大理嶼墓誌一首
 蕭郎中存墓誌一首
 仲員外子陵墓誌一首
 權員外自把墓誌一首
 李司農銘墓誌一首
 秘書監贈禮部尚書姚公墓誌
 獨孤及
 有唐祕書監永安縣侯姚公諱子彥字伯英其先馮翊蓬
 勺人也至高祖僧洪徙家河東祖思聰祕書少監父坦汝
 州梁縣丞贈祕書監忠諒孝愛寬仁愿恭質方氣冲天所
 授也而力行博學温故知新錯綜六藝公集作詞賦初舉

文苑英華卷第九百四十一

誌七

職官三

此下六卷英華所繪失作者先後今正之

姚祕監子彥墓誌一首

嚴庶子損之墓誌一首

獨孤大理嶼墓誌一首

蕭郎中存墓誌一首

仲員外子陵墓誌一首

權員外自把墓誌一首

李司農銘墓誌一首

秘書監贈禮部尚書姚公墓誌

獨孤及

有唐祕書監永安縣侯姚公諱子彥字伯英其先馮翊蓬
 勺人也至高祖僧洪徙家河東祖思聰祕書少監父坦汝
 州梁縣丞贈祕書監忠諒孝愛寬仁愿恭質方氣冲天所
 授也而力行博學温故知新錯綜六藝公集作詞賦初舉

進士又舉詞藻皆升甲科尉清遠

集作

獲嘉永寧三縣關

元二十九年詔立黃老學親問奧義對策者五百餘人與

今相國河南元公載及廣平宋少貞等十人以條奏精辯

才冠等列授右拾遺內供奉歷左補闕當是

二字集

時天

下無金革之虞選多士命百官先文行而後吏事

集作

柱下方書南宮章奏主張綸翰典司禮樂

集作

尤精其選

非盛名莫居繇是遷公殿中侍御史禮部員外郎禮部郎

中知制誥中書舍人太常少卿天寶十四年奉詔宣慰江

東淮南覽觀風俗無何二京陷覆太夫人捐館公外雖憂

患內偃惇疾

集作內

銜憤泣血毀瘠

集作

滅性乘輿反正

公過

集作

外除拜太子左

集作

庶子于時迤難始康百

年授秘書監策名事君二十有七年文學一紀羽儀三朝

光祿卿左散騎常侍加銀青光祿大夫復知制誥廣德二

年授秘書監策名事君二十有七年文學一紀羽儀三朝

凡六蹈瑣闥三掌訓誥四居禮官一典祕書其遺塵餘跡

周遍臺閣言行事業著於天下

自策名天下五十一字集

遺跡故事資忠體和惟道是居正身奉上中立不倚恐懼

戒慎形于隱微故遭值傾否出入夷險而未嘗有悔名與

身偕中庸

集作

是依明誓以保故也享壽七十有八大曆

二年四月某日薨于位五月某日詔贈禮部尚書知者以

為壽富康寧攸好德考終命洪範謂之嚮用五福而公居

四焉以清儉貽厥子孫故所不至者壽焉爾非明德介社

故太常卿向普狀公徃行貽諸有司謂公外寬內剛廉正

篤敬溫而不厲直而不輕集作許學究源本行有枝葉故其

適道求友莅職任事覈其實不居其華初公宰汜水也以

莊明慈惠為政汜水之集無此字人不敢欺而戶口增培獄訟

衰止御史中丞蕭隱之以狀聞公是以有著作郎之拜其

後歷太原上谷弋陽餘杭丹陽雖風俗殊異治效如一不

曰才乎公在清池會安祿山與當國者交惡公曰難將本

矣遂移疾請告姦黨惡之是以有弋陽之貶貶之明年河

北為戎不曰智乎涉艱患不辱身踐祿位不徇名居義處

順動罔違吉不曰貞乎嗚呼榮問素業與時皆逝可稱也

而不可追也今採其實錄刻石示後蓋欲報罔極者之志

其詞曰君子之道容民和畜衆公在二邑二邑

無訟與國共理惟二千石公七剖符七著成績乃師國子

司成望苑考藝校德以弼三善中和其心正直是踐道亞

羽翼名掩春華忠以事君孝施于集作於家粲粲令子鮮佺

晨葩若何不吊盛德既喪音徽永沫士友孤望千載九原

遊者悽愴

大理少卿兼侍御史河南獨孤府君墓誌 前人

府君諱嶼河南洛陽人也漢世祖光武帝第二子沛獻王

輔之昭也齊臨川郡王河南道行臺僕射洛川刺史永業

府君五代孫國朝明威將軍文慧集作惠府君第二子越州

都督浙江東道觀察處置使集無此四字兼御史中丞右集作左

金吾大將軍峻府君之季弟也聰明仁恕專直寬信擾而

毅溫而厲弱冠筮仕以藝即戎藏器安卑非其志也天寶

十四年安樂山反朝廷以淮服集作海沂三吳咽喉宜擇

良佐以貳藩鎮命府君為泗州長史無何換徐集作濠二

州倅戎備叅吏職忠毅集作肅給所屆繫賴御史中丞崔

公昭之尹河南也盛選僚佐表府君為大常丞兼殿中侍

御史營田判官使罷轉湖州別駕大曆五年崔公受詔持

節牧宣歙池三州君復為從事以太子右諭德兼殿中侍

御史遷大理少卿兼侍御史方謂宜民宜人祿與壽俱遭

命不淑春秋五十九集作而歿是歲大曆九年三月二十

四日也夫人隴西李氏以栢舟之誓提携諸孤某等奉府

君之喪言歸洛陽某月日遷集作窆于某原禮也府君少

孤奉事兄嫂以交悌稱在家在邦言信行果居官祗事強

志能力及其冠法冠佐大府君上以勤恪一作勲畧周爰

成務下以勞謙明誠應物和禮正家敦睦姻族自踈及親

必慈必愛而命不我與年未下壽天天是掾集作大嗚呼

哀哉初府君之金吾伯兄擁旄江集作東也授崔公於郡

吏人之中升為軍司馬推誠委政之分猶晉得韓厥宋得

子罕及中丞之開府辟掾府君為首既而府君之喪也中

丞哭之慟贈賻給加於人二等由是稚子孀妻得奉喪而

西三月而塋禮無違者賻布之餘足備祭器君子謂金吾

之明哲貽厥兄弟宜州之交情見於死生知己之道斯其

行者鮮矣及敢不直詞書仲父之美於墓石其詞曰叔父

懿德承家令儀慧伯集作哲兄踐脩靡遺私治於官發跡

淮沂及佐皇華亦繡共衣天子命我拜叅軍機駱馬驛驛

集作單所從其誰顯允崔公為諸侯師府君委質咨諏載馳

式壯其猷耄未及之陰陽為寇子鵬一作語集作語洽非期昔也

陟岡哀哀永思今也還真匪公曷依伯兮叔兮今乎已而

他年九原公誰與歸

尚書比部郎中蕭府君墓誌銘 元載

嗚呼蘭陵蕭君蘊賢人之業藏佐世之器大君未盡其力

生人未享其福鍾厲邁痾殞靈休時哀哉君諱存字成性

梁武帝季子一作鄱陽王恢之裔五世祖唐刑部尚書生

州都督左衛長史元泰長史生密州莒縣上簿是上簿

生揚州府功曹穎士穎士字茂挺特達聰明叢干上才以

詩書禮樂皇帝王霸之術為已任開元中進士擢第靈鳳

神龍煥乎文章高價風馳撼動八荒是時顛顛昂昂賢雋

之士揖涯岸趨問望如百川之委溟海群山之仰嵩岱君

即功曹之子也稟乾坤清粹之氣聚而為德義散而為制

度行可以輔教才可以拯時大抵根儒術尚名理言喜人

之善鋤人之惡其餘九流百氏質文沿革雖千古變絕如

以眸子視左右掌也八曆初與昌黎韓愈天水趙贊博陵

崔造素友善齊名李大夫栖筠領浙西撥華刈楚遂奏授

蘇州常熟主簿顏太師真卿典吳興纂文編韻延納以脩

術疑之任宰相劉公晏司轉運與能咨畫奏授左金吾衛

兵曹參軍明年遷廷尉評建中包諫議佶掌鹽鐵聆風欽

舊奏授監察御史明年轉殿中侍御史初御史大夫張滂

董戎天子俾君留務于上國主計者張權侵官交關有司

君不阿撓庭辯可否哆南箕燭光芒繇是愁憤乞守外職

竟罷歸潯陽君有草堂在廬山下紫霄峰晚節學長生得

蟬蛻之味每天氣寒朗神有所詣輒駕紫騮携酒壺學業

同紫府之客恣遊其下弄泉坐一作石不記早暮無幾何

登黃石巖之絕巔谷飈颺丁毒腑藏右體麻痺不仁雖藥

膳充席疑岐和疊跡不得施其力焉春秋六十二年

冬十月五日遘疾十六年冬十月五日卒于潯陽潯城之

墓于臨汝故也嗟纓紱一作之沉淪痛環壁之破碎悲豫

章之摧拔莫不驚惋替怛嚮風淒歎焉夫人河東裴氏王

父璉越州倉曹參軍皇考光輔蘇州吳縣丞資淑和之氣

承禮義之訓陰範內則璨然有光有子四人曰夔曰東曰

奐曰愿咸端素温良克荷家聲吞茹荼蓼若絕生理今相

國齊公杭河南尹張式給事許孟容鄭郢州正則兵部楊

郎中馮馮第吏部郎中凝廬補闕景亮陸殿中禮投分許

與期於莫逆衆君子振鱗奮翼日薄霄漢君未中壽獨歸

泉壤匣有豪曹歷有飛黃不發不馳埋骨摧銜可哀也哉

相國於君有死生之交情至於塋舊鄉撫稽紹蓋餘力也

是以慰其精靈焉載後學小子日遊於藩故遺芳盛烈備得詳悉見託誌錄銜酸為銘銘曰

崇山鬱鬱連西甌青龍圖虎為壽堂靈其少安樂且康旄頭不明歸舊鄉

尚書司門員外郎印仲居墓誌

權德輿

君諱子陵字某其先為厥公仲子曰山甫入輔於周食菜于樊其後魯有季路衛有叔罔用儒行政事代為家法曾祖訢始自彭城徙于蜀都祖襲博究六藝州閭推重考遠清靜寡欲理老嚴之言三代曠僚純白不耀君壯歲好古學與同門生肄業於峨眉山下採摭前載可以為文章樞要者紬繹區別凡數十萬言大曆十三年舉進士甲科調補秘書省校書郎歷同官醴泉二縣尉貞元十年舉賢良方正拜大常博士轉主客司門二員外郎十八年六月乙巳疾寢歿於靖恭里第享年五十有九君修身愨固為學精力其初典校有詔百執事詳定冕服炳然上奏得禮之中再仕旬內皆叅奉常論譏之務后蒼二代曲臺石渠之論乖疑難正者咸折中焉有司請正太祖東嚮之位而祧獻懿二主議者云云君議畧曰九聖在天二祖在桃國家卜代及年未始有極宜立定制為萬代程請遷二主於德明興聖廟詞甚切正後以異論紛紛又著通難一篇引經據古諸儒不能屈雖留中未下而知禮者直之為郎三歲受詔典黔中選補賦祿清平南人悅焉皇皇者華道於故

里里中人以為榮觀復命踰年精進郎位循性詣理恬於
聲榮隕然放懷以馮唐頗駟自况脩詞甚博推本六經賦
詩類事往往有卓異不羈之韻遂於禮服上下古今儀制
著五服圖十卷自為一家之言起庸蜀諸生以文義自達
至禮官元士三登於朝講議洽聞不疚不貽與夫憑履露
乘地資而至大僚豐祿者難易殊矣子雲耆老相如多病
內外掃之日圖書樽酒而已升東榮而復者假他人之室
可悲也夫其婆嗣郢王之藻女宗室公宮稱其賢淑生一
子頗幼學而孤卜七月甲申窆於萬年縣之某原某里命
也德輿常集作嘗忝知君用深怛化遺孤哀請因直其詞銘
曰

仲君直而文心秉彛學軼群富宏議暢嘉聞中止水外
浮雲理冥冥化云云刻圖石識幽墳

朝議郎行尚書倉部員外郎集賢院待制權府君

墓誌

前人

公諱自挹字某天水人其先殷王戊丁之支

世系表權氏武丁之裔孫

因封命氏楚遷於那處秦徙于汧隴綿代多才繼有勲力

四代祖襲慶周開府儀同三司相定冀青殷五州諸軍事

冀州刺史齊郡公魯祖武隋開府儀同三司浙豫柱三州

刺史潭州摠管始平郡太守右武衛屯衛二大將軍天水

縣開國伯考公悔奉朝請大夫晉州趙城縣令公年十四

太學明經上第因喟然曰學不足以究古今之變而干祿

者非吾志也。遂蒙養於終南紫閣之下，窮覽載籍，號爲醇儒。非其道不合，非其人不自。歷南和、寶鼎三縣尉。天寶中，河湟之間，踐更以禦寇。平糴以饋軍，皆以御史董之。聯辟從事。既而幽陵兵興，二京震蕩，縉紳之士多在劫剝中。公艱貞終吉，盜不能污。尅復之歲，制授醴泉尉，尋攝監察御史。充河西隴右宣慰使。崔中丞伯陽判官，軺車所履，人誦其惠。歲中，崔復命，遷左馮翊表爲祠曹。且佐州師，朝廷以公文而無害，特拜監察御史，謙以自收。換大理寺丞學該。今古加集賢院待制，識通理典，遷尚書倉部員外郎。大歷五年春，感風疾，請告。十有二月，終於布政里私第。享年七十。惟公得大易之含章中庸之居易，知前古之善敗，稽太古之義類，靈龜恬然，天爵自貴。夫如是，則通籍書殿，起草中臺於諸生，不爲不達；而充公之量，則未也。與故王右丞維今歸尚書，從敬爲文雅道素之友，其餘或不踐其域。故知我者，希夫人太原王氏，監察御史造之孫也。鄂縣令侑之女，淑行明德，輔了公志，叢是福履。近千期，頤公之喪，既除二十三年，而夫人歿，壽九十三。時貞元十年，十有二月也。嗣子某某官，次子某某官等，皆以舊德蕃祉。參居吏員，盡厥誠信。貞於龜筮，以十二年十月，柩塋于咸陽縣洪濟原禮也。以德輿諸孫之列，習于舊史，剡子之學，誠懋古人。滕公之室，敢識幽壤銘曰：

周隋之間，受封於齊。代有武功，抑抑倉部。德音不回，藹然

儒風考正圖書彌綸憲章其道昭融黃裳之吉大雅方直
位則未克惟此令德與彼內則委蘇而終咸陽古原祔窆
雙鳧淑聲無窮

金紫光祿大夫司農卿邵州長史李公墓誌銘

前人

公諱銘字某不書州里尊宗室也初景皇之支啓封于蔡
繼別爲宗厥後多材皇襲濟北郡公季公之曾祖也隴西
郡公津容公之王公也濟北仕至國子司業贈太僕卿隴
西仕至慈衛汝邢青五州刺史終末王傳以至烈考愔歷
監察御史殿中侍御史尚書倉部員外郎累贈職方郎中
魏州刺史公即魏州府君之第若干子也憑是積厚叢生
福社少以門子入官聯調兩官環列之佐次補伊闕丞是
歲天寶十四載也魏州捐館幽陵兵起茹毒遠難南洋江
淮旣除喪宣州觀察使鄭炅之表爲廣德令時劉稔阻命
東方愁擾閭里制於萑蒲守臣化爲寓集作寓非公而公之縣
鄙連亘山洞盜有陳庄陳五奢者是焉囊橐攻剽相因炅
之跳在尋陽牒書密至署爲上人俾輯輿師靖綏攘遏人
用寧舒後歷揚州太原二紀綱一府之損益皆所關决執
法殿中佐戎北門會罷使至京獻狀居最拜奉天令有
命成城績用居多未踰年遷侍御史充宣武軍節度行軍
司馬時師帥以睢陽及譙進律開心韓厥之任朝選爲難
蓋以彌縫左右非公莫可最凡三爲尚書郎四兼御史中

丞以銀印青授歷官相常伯之重府遷大梁職尊統師集作

帥公皆以師武從之蓄資力以崇威望宣忠勞以弘班制

居則持重戰則有功無細無大繫公謀是賴雖羊舌職之

聰敏肅給鐸過寇之恭敬信強無以過也貞元二年真拜

右集作左庶子三年復以本官兼御史中丞充入蕃使尋兼

御史大夫行次回中察其陰詐集作大察疏累陳不可莅盟

之狀時朝議已行謀塞不用既而戎人裏申急變上聞乘

車東轅獨以智免以久次遷衛尉卿秩至集作以金紫乃命

大司集作司字農為國之泉首公脩賦惟直是視無所阿附終

用蔽傷左遷邵州長史以十三年十一月寢疾終於集作下

所莅之官舍春秋若于唯公開敏毅直集作仁兼仁勇有政事

方器長於理煩遠而不泥文一而無害始以通邑行師振其

名聲交辟元僚翻飛清朝腰金鳴玉法象河海議者謂藩

垣京穀公宜居之終以當官有守寧紉不苟不為利疚於

回鬱埋下國以至大病斯可嘆也夫人范陽郡夫人盧氏

某官某之孫新安丞某之女華宗淑問光輔閨門無詒離

集作離無攸遂內姻外戚仰其徽風先于集作於公二年而歿

長子元亮以武畧至御史中丞不幸早亡次子元道以吏

才為大理司直兼監察御史叅課許軍事次曰元規進士


及第監屋縣尉次曰元會前右金吾衛兵曹叅軍元簡江

陵府叅軍元舉太原府叅軍元衡集作元弼元輔等皆

幹蠱知方儼然在疚考於象數元遠得吉以十四年某月

日奉公夫人之喪祔寔於伊闕 祔萬安南原先公之兆域
禮也德輿王公族之出也先人於公爲中表昆弟羈貫獲
見始四十年元道等泣以墓石 死託雖文之鄙朴而不敢
辭也銘曰

抑抑司農系于蔡兮三珪再踐 且方大兮心廣體胖道將
泰兮中立不回官左退兮登書 同鷓禍所會兮撰日焯龜
紛祖載兮萬安鮮原風雨悔兮 歟此貞岷壘之肉兮



世錄不世不爲時文

文苑英華卷第九百四十一

